



浙江圖書館



浙江圖書館

資治通鑑卷第三十四

翰林學士朝散大夫右諫議大夫知制誥兼侍講同提舉萬壽觀公事兼判  
集賢院上護軍河內郡開國侯食邑一千三百戶賜紫金魚袋臣司馬光奉

勅編集

後學天台胡三省音註

漢紀二十六起柔兆執徐盡著雍敦牂凡三年

孝哀皇帝中

建平二年春正月有星孛于牽牛晉天文志牽牛六星天之關梁主犧

丁傳宗族驕奢皆嫉傳喜之恭儉又傳太

后欲求稱尊號與成帝母齊尊喜與孔光師丹共執

以為不可上重違大臣正議師古曰重難也又內迫傅太后

依違者連歲如淳曰依違不決事之言也傳太后大

怒上不得已先免師丹以感動喜師丹免見上卷上年喜終不

順朱博與孔鄉侯傅晏連結共謀成尊號事數燕見

數所角翻見賢遍翻奏封事毀短喜及孔光毀短者譖毀而言其短也丁丑

上遂策免喜以侯就第御史大夫官既罷成帝綏和元年罷街

史大夫置大司空事見三十二卷議者多以為古今異制漢自天子

之號下至佐史皆不同於古漢官至斗食佐史而止言漢承秦號為皇帝下

至百官稱號皆不與古同而獨改三公職事難分明無益於治亂

治直於是朱博奏言故事選郡國守相高第為中二

千石守式又翻選中二千石為御史大夫任識者為

丞相言御史大夫能任其職則進而為相位次有序所以尊聖德重國

相也今中二千石未更御史大夫而為丞相師古曰更經也

音工權輕非所以重國政也臣愚以為大司空官可

罷復置御史大夫遵奉舊制臣願盡力以御史大夫

為百僚率上從之夏四月戊午更拜博為御史大夫

又以丁太后兄陽安侯明為大司馬衛將軍置官屬

大司馬冠號如故事復綏和以前之制也冠古玩翻傳太后又自

詔丞相御史大夫曰高武侯喜附下罔上與故大司

空丹同心背畔放命圮族應劭曰謂放棄教令圮其族類背蒲妹翻圮皮美翻

案附下周上本今  
又大其言與下  
放命圮族皆尚

通鑑卷三十一

不宜奉朝請

朝直遙翻請才性翻又如字

其遣就國

丞相孔光

自先帝時議繼嗣有持異之隙又重忤傳太后指

持異

事見三十二卷成帝綏和元年重忤傳太后指謂不使居北宮奏傳遷持稱尊號之議也師古曰重音直

用翻忤

由是傳氏在位者與朱博為表裏共毀諧光

表外也裏內也傳氏諧之於內朱博毀之於外也

乙亥策免光為庶人

師古曰漢

舊儀云丞相有他過使者奉策書即時步出府乘棧車歸田里

以御史大夫朱博為

丞相封陽鄉侯

恩澤侯表陽鄉侯國於山陽湖陵考異曰公卿表四月乙未孔光免朱

博為丞相又曰四月戊午博為御史大夫乙亥遷五行志五月乙亥朔博為丞相荀紀乙亥孔光免按長

歷是月丁巳朔無乙未十九日乙亥非朔也表志皆有誤少府趙玄為御史大夫

成帝綏和元年趙玄自太子太傅左遷今復進用皆丁傳之意也

臨延登受策

師古曰延

陽鄉今濟寧州魚臺縣

入而登殿也。漢舊儀云丞相御有大聲如鍾鳴殿中。

郎吏陞者皆聞焉。師古曰陞者謂上以問黃門侍郎。

蜀郡揚雄。續漢志給事中關通中外及諸王朝見於殿上

引王就坐揚雄解嘲所謂官不過侍郎擢纔給事黃

門者也揚雄自謂其先出自有周伯僑者食采於晉

之揚因氏焉不知及李尋尋對曰此洪範所謂鼓妖

伯僑周何別也者也師灋以為人君不聰為眾所惑空名得進則有

聲無形不知所從生。洪範五行傳曰聽之不聰是謂

下臣戰栗而塞耳則妄聞之氣其傳曰歲月日之中

則正卿受之今以四月日加辰巳有異是為中焉。以

歲三分之則四月巳為歲之中以正卿謂執政大臣

也宜退丞相御史以應天變然雖不退不出期年其

人自蒙其咎師古曰期年十二月也蒙猶被也期音基揚雄亦以為鼓妖

聽失之象也朱博為人彊毅多權謀宜將不宜相將即

亮翻相恐有凶惡亟疾之怒師古曰亟急也音居力翻上不聽朱

博既為丞相上遂用其議下詔曰定陶共皇之號不

宜復稱定陶復扶又翻尊共皇太后曰帝太太后稱永信

宮共皇后曰帝太后稱中安宮為共皇立寢廟於京

師為于比宣帝父悼皇考制度宣帝既立八年有司言禮父為士子為天

子祭以天子悼園宜稱皇考立廟因園為寢以時薦

享焉然悼園在廣明成鄉長安東郭之外也定陶共

王葬定陶而立廟京於是四太后各置少府太僕秩

師則非因園為寢矣

皆中二千石

傳太后丁太后趙太后與太皇太后為四太后

傳太后既尊後

尤驕與太皇太后語至謂之姬

姬威遇翻

時丁傳以一二

年間暴興尤盛為公卿列侯者甚眾然帝不甚假以

權執不如王氏在成帝世也

丞相博御史大夫立

奏言前高昌侯宏首建尊號之議而為關內侯師丹

所劾奏免為庶人

事見上卷綴和二年劾戶繁翻

時天下衰靡委政

於丹

師古曰言新有成帝之喪斬衰麤服故天子不親政事也衰音倉回翻

丹不深惟

褒廣尊號之義

惟思也

而妄稱說抑貶尊號虧損孝道

不忠莫大焉陛下仁聖昭然定尊號宏以忠孝復封

高昌侯丹惡逆暴著雖蒙赦令不宜有爵邑請免為

庶人奏可又奏新都侯莽前為大司馬不廣尊尊之

義抑貶尊號虧損孝道事亦見上卷當伏顯戮幸蒙

赦令不宜有爵土請免為庶人上曰以莽與皇太后

有屬勿免遣就國及平阿侯仁臧匿趙昭儀親屬皆

遣就國仁譚之子也天下多冤王氏者為下元壽二

國張諫大夫楊宣上封事言孝成皇帝深惟宗廟之

重稱述陛下至德以承天序天序謂帝王正統相傳

翻聖策深遠恩德至厚惟念先帝之意豈不欲以陛

下自代奉承東宮哉師古曰言太皇太后春秋七十

數更憂傷謂先罹元帝之喪而又哭成敕令親屬引

帝也數所角翻更工衡翻

領以避丁傳師古曰引領自行道之人為之隕涕

偽況於陛下登高遠望獨不慙於延陵乎言王氏斥逐而丁傳

貴寵若登高而望成帝陵寢寧不有慙於付託乎帝深感其言復封成都侯

商中子邑為成都侯綏和二年商子况以罪奪侯今以邑紹封中讀曰仲朱

博又奏言漢家故事置部刺史秩卑而賞厚漢刺史秩六百

石耳居部九歲舉為守相秩二千石其有異材功效著者輒登擢咸勸功樂進師古曰勸

功自勸勉而立功也樂音洛前罷刺史更置州牧事見三十二卷成帝綏和元年

更工秩真二千石位次九卿九卿缺以高第補其中

材則苟自守而已恐功效陵夷師古曰陵夷謂漸廢替姦軌不

禁臣請罷州牧置刺史如故上從之六月庚申帝

太后丁氏崩詔歸葬定陶共皇之園從夫也共皇葬於其國賢曰在

今曹州濟陰縣發陳留濟陰近郡國五萬人穿復土

北共讀曰恭近郡國謂郡國之近定陶者前書音義曰穿復土謂穿壙填塞事也言下棺訖復以土為墳故曰復土近

其斲初成帝時齊人甘忠可詐造天官歷包元太

平經十二卷言漢家逢天地之大終當更受命於天

以教渤海夏賀良等夏戶雅翻中壘校尉劉向奏忠可假

鬼神罔上惑眾忠可詐稱天帝使真人赤精于下教我故向奏之下獄治服

服其挾詐也未斷病死斷丁亂翻賀良等復私以相教復扶

又翻上即位司隸校尉解光騎都尉李尋白賀良等

皆待詔黃門應劭曰諸以材技徵召未有正官數召

司隸下校尉二字

見數所角翻陳說漢歷中衰當更受命成帝不應天

命故絕嗣今陛下久疾變異屢數師古曰數音所角翻天所以

謹告人也宜急改元易號乃得延年益壽皇子生災

異息矣得道不得行師古曰言知咎殃且無不有洪

水將出災火且起滌盪民人上久寢疾班固曰上即位痿痺末年

劇冀其有益遂從賀良等議詔大赦天下以建平二

年為太初元年號曰陳聖劉太平皇帝李斐曰陳道也言得神道

聖者劉也如淳曰陳舜後王莽陳之後謬語陳當立

而不知韋昭曰勢陳聖劉之德也師古曰如韋二說

是也余謂韋說不詭於正如說則流於巫顏以為二說皆是將安從乎漏刻以百二十

為度師古曰舊漏晝夜共百刻今增其二十秋七月以渭城西北原

為太初下補元將二  
字宋初曰按王莽傳  
以謂文解釋太初  
元將之意後人不曉  
二字為張削去元將  
二字非是

上求陵亭部為初陵勿徙郡國民 上既改號月餘

寢疾自若夏賀良等復欲妄變政事大臣爭以為不

可許賀良等奏言大臣皆不知天命宜退丞相御史

以解光李尋輔政上以其言無驗八月詔曰待詔賀

良等建言改元易號增益漏刻以求安國家朕信

道不篤過聽其言師古曰過誤也冀為百姓獲福卒無嘉應

為于偽翻夫過而不改是謂過矣論語載孔子之言 六月甲

子詔書非赦令皆蠲除之如淳曰悔前赦令不蒙其福故收令還之臣瓚曰改

元易號大赦天下以求延祚而不蒙福哀帝悔之故更下制書諸非赦事皆除之謂改制易號今皆復故

也師古曰如說非也瓚說是賀良等反道惑眾姦態

矣唯赦令不改餘皆除之

當窮竟皆下獄伏誅下遐尋及解光減死一等徙燉

煌郡此漢法所謂減死徙邊也而特為末減也減死罪一等為城旦春上

以寢疾盡復前世所嘗興諸神祠凡七百餘所成帝

初匡衡張譚奏罷諸神祠不應禮者今盡復之一歲三萬七千祠云神祠既多而有

者故其數若是之多傳太后怨傳喜不已使孔鄉

侯風丞相朱博令奏免喜侯師古曰風博與御史大

夫趙玄議之玄言事已前決謂前已決遣就得無不

宜師古曰得無博曰已許孔鄉侯矣匹夫相要尚相

得死要一遙翻得死謂得其死何況至尊至尊謂博

唯有死耳大臣以道事君而博以死奉玄即許可博

何武以事親不為

惡獨斥奏喜惡烏故翻以故大司空汜鄉侯何武前亦坐

過免就國事見上卷事與喜相似即并奏喜武前在

位皆無益於治治直吏翻雖已退免爵土之封非所當也

皆請免為庶人上知傅太后素嘗怨喜疑博立承指

即召立詣尚書問狀立辭服丞相御史同奏而獨召

詐難遽得其情而有詔左將軍彭宣與中朝者雜問

宣等奏劾博立晏皆不道不敬劾戶槩翻請召詣廷尉詔

獄上減立死罪三等削晏戶四分之一減死罪三等

封五千戶削其假謁者節召丞相詣廷尉博自殺國

除九月以光祿勳平當為御史大夫冬十月甲寅

往德表曰此如說是漢書王子侯功臣恩澤侯表以冬月封者九之已最著者平陽侯表表多信武侯

遷為丞相以冬月故且賜爵關內侯如滴曰漢儀注御史大夫為丞

相更春乃封故先賜爵關內侯也李奇曰以冬月非

封侯時故且先賜爵關內侯也師古曰李說是也

以京兆尹平陵王喜為御史大夫按表傳喜當作嘉

上欲令丁傅虺爪牙官處昌呂翻是歲策免左將軍淮

陽彭宣以關內侯歸家而以光祿勳丁望代為左將

軍上策宣曰前有司數奏言諸侯國人不得宿衛將

子又前娶淮陽王女婚姻不絕非國之制其上左將

軍印綬余按彭宣以連姻藩國而免官丁傅以戚黨

而見用卒之奪劉氏者非藩國乃外戚也丁傅於國

有大故之時拱手授柄於王氏而彭宣乃能辭三公

位於王莽專權之初任官

惟賢材烏得拘小嫌乎烏孫卑爰寔侵盜匈奴

西界單于遣兵擊之殺數百人略千餘人毆牛畜去

卑爰寔恐遣子趨遠為質匈奴寔竹二翻師古曰毆與驅同遠音錄質音

致下單于受以狀聞漢遣使者責讓單于告令還歸

卑爰寔質子責以匈奴烏孫並為漢臣單于不當擅受甲爰寔質子單于受詔

遣歸

三年春正月立廣德夷王弟廣漢為廣平王廣德夷王雲客

成帝鴻嘉二年封又二年薨無後今立廣漢以奉中山靖王嗣謚法安心好靜曰夷克殺秉政曰夷

帝太太后所居桂宮正殿火考異曰五行志云桂宮鴻寧殿災荀紀云桂

宮正殿火今從哀紀上使使者召丞相平當欲封之當病篤

不應不應召也室家或謂當不可彊起受侯印為子孫邪

室家當之妻子也謂受侯印而死得以封當曰吾居

帝字上宋本有  
癸卯二字  
辛未前定陶宋臣  
居北宮注引師古辭  
北宮非桂宮此言  
桂宮即太后所居  
即北宮矣  
宋本正作不應召

大位已負素餐責矣起受侯印還卧而死死有餘罪

今不起者所以為子孫也遂上書乞骸骨上不許三

月己酉當薨有星孛于河鼓天文志河鼓在牽牛北大星上將左右星

左右將孛夏四月丁酉王嘉為丞相河南太守王

崇為御史大夫守式又翻崇京兆尹駿之子也嘉以時政

苛急郡國守相數有變動數所角翻乃上疏曰臣聞聖王

之功在於得人孔子曰材難不其然與師古曰論語載孔子之言

也材難言有賢材者難得也與讀曰歟余謂材難二語古語也孔子引之謂其言之是也故繼世

立諸侯象賢也禮記郊特牲之文師古曰象其先父祖之賢耳非必皆賢也雖不

能盡賢天子為擇臣立命卿以輔之記王制大國三卿皆命於天子

次國三卿二卿命於天子一卿命於其君小國二卿皆命於其君春秋之時如晉之六卿以中軍帥為正卿亦其君先命之而後聞於天子耳齊之高國魯之三桓皆世卿也漢之王國傅相中尉命於天子猶古之命卿也居是國也累世尊重然後士民之眾附焉是以

教化行而治功立

治直吏翻

今之郡守重於古諸侯

周初班爵

五等公侯地方百里伯七十里子男五十里其後齊晉秦楚以兼并而地始廣大耳漢郡守方制千里連城以十數是重於古諸侯也守式又翻下同往者致選賢材致極也賢材難

得拔擢可用者或起於囚徒昔魏尚坐事繫文帝感

馮唐之言遣使持節赦其罪拜為雲中太守匈奴忌

之事見十四卷

武帝擢韓安國於徒中拜為梁內史

骨肉以安

按韓安國傳安國坐法抵罪會梁內史缺漢使使者拜安國為梁內史起徒中為二

或長子孫下宋  
本有以官為氏四  
字

千石此景帝時事也武帝當作景帝  
師古曰骨肉以安言梁孝王免罪也  
張敞為京兆尹

有罪當免黠吏知而犯敞黠下敞收殺之其家自寬

自言其寬也使者覆獄劾敞殺人上逮捕不下上奏請

而天子不下其奏也上時掌翻下遐嫁翻會免亡命十數日宣帝徵敞拜

為冀州刺史卒獲其用事見二十七卷宣帝前世非

私此三人貪其材器有益於公家也孝文時吏居官

者或長子孫長知兩倉氏庫氏則倉庫吏之後也其

二千石長吏亦安官樂職樂音然後上下相望莫有

苟且之意其後稍稍變易公卿以下傳相促急又數

改更政事傳知戀翻數所司隸部刺史舉劾苛細發

揚陰私司隸部三輔三河弘農其餘部吏或居官數

月而退送故迎新交錯道路中材苟容求全師古曰不敢操

持羣下材懷危內顧師古曰日常恐獲壹切營私者多

二千石益輕賤吏民慢易之或持其微過增加成罪

言於司隸刺史或上書告之衆庶知其易危師古曰言易可

傾危易小失意則有離畔之心前山陽亡徒蘇令等

縱橫事見三十一卷成帝末始吏士臨難難乃莫肯

伏節死義以守相威權素奪也師古曰守郡守也相

先假之威權也孝成皇帝悔之下詔書二千石不為故縱孟

罪不以故縱為遣使者賜金尉厚其意誠以為國家

有急取辦於二千石二千石尊重難危乃能使下孝

宣皇帝愛其善治民之吏有章劾事留中會赦壹解

師古曰不即下治其事恐為擾重故每留中或經赦令壹切皆解散也余謂善治民之吏宣帝愛其材或有章劾留中不下會赦則其事得釋治直之翻劾戶槩翻故事尚書希下章為煩

擾百姓證驗繫治或死獄中章文必有敢告之字乃

下師古曰所以丁寧告者之辭絕其相誣也余謂此乃防其誣告耳下遐稼翻為于偽翻唯陛

下留神於擇賢記善忘過容忍臣子勿責以備師古謂責備者求全也二千石部刺史三輔縣令有材任

職者人情不能不有過差宜可闊略師古曰當寬恕其小罪也令

盡力者有所勸此方今急務國家之利也前蘇令發

盡力者有所勸此方今急務國家之利也前蘇令發

盡力者有所勸此方今急務國家之利也前蘇令發

欲遣大夫使逐問狀使之逐盜而時見大夫無可使

者師古曰謂見在大夫皆不堪為使見賢遍翻召整屋令尹逢拜為諫大

夫遣之整屋音舟室今諸大夫有材能者甚少宜豫畜養可成

就者則士赴難不愛其死臨事倉卒乃求非所以明

朝廷也人材當聚於朝廷事會之來無可用者倉猝求之適所以明朝廷之無人耳少詩沼翻畜

許六翻難乃旦翻卒讀曰粹嘉因薦儒者公孫光滿昌風俗通荆蠻有瞞氏

百舛變為滿國語路路永余滿皆赤狄隗姓及能吏蕭咸薛脩皆故二千

石有名稱者天子納而用之按嘉此疏誠中當時之病然為相者在於朝夕

結誨隨事矯正天下不能窺其際而自臻於治平不在者見於奏疏以滕口說也自宣帝之後為相者始

加詳於奏疏而考其治迹愈不逮前相業固不在乎此也稱尺證翻六月立魯頃王

李今鄭語作  
潞路及徐滿  
姓注以考赤狄隗

鄆縣今兗州府泗水

卷之九山部龍山今山東  
東平州東 瓠山今東  
平州府東平州

子部鄉侯閔為王

魯共王魯孫頃王封傳國於其子文王駿駿薨無後今立閔紹封部

鄉據紀表及傳當作部鄉師古曰部音吾又音魚駿音子緣翻地理志東海郡有部鄉侯國

上

以寢疾未定

定猶安也

冬十一月壬子令太皇太后下詔

復甘泉泰畤汾陰后土祠罷南北郊

成帝崩皇太后詔罷甘泉汾陰

祠復南北郊時音止

上亦不能親至甘泉河東遣有司行事而

禮祠焉

無鹽危山土自起覆草如馳道狀

無鹽縣屬東平

國危山山名言土自起覆草成路如人力開掘作馳道狀也

又瓠山石轉立

晉灼曰漢

書作報山山脅石一枚轉側起立高九尺六寸旁行一丈廣四尺也師古曰報山山名也古作瓠字為其

形似瓠耳

東平王雲及后謁自之石所祭治石象瓠

山立石東倍草并祠之

雲元帝子東平王宇之子也謁后名也蘇林曰於宮中作

山象師古曰倍草黃倍草也倍音步  
賄翻原父曰立石屬上句治直之翻  
河內息夫躬息

復姓姓譜媯姓之國為息氏公子  
邊受爵為大夫又有息夫氏出焉  
長安孫寵相與謀

共告之曰此取封侯之計也乃與中郎右師譚  
師姓譚名余謂  
右師以官為氏  
共因中常侍宋弘上變事告焉  
上時  
掌翻

是時上被疾多所惡事下有司逮王后謁下獄驗治

服祠祭詛祝上為雲求為天子  
被皮義翻下遐稼翻  
詛莊助翻祝職救翻

為雲于  
偽翻  
以為石立宣帝起之表也  
事見二十三卷  
昭帝元鳳三年有

司請誅王有詔廢徙房陵雲自殺謁及舅伍宏及成

帝舅安成共侯夫人放皆棄市  
安成共侯王崇時已  
死矣故稱帝舅及謚

以別下御史大夫王崇也伍宏以醫伎得  
幸出入禁門蓋放鶴之故并得禍共音恭  
事連御史

幸出入禁門蓋放鶴之故并得禍共音恭  
事連御史

南  
關東一西谷關一東谷河  
案概本訓夜戒  
守有所經乎此通  
作蕞蕞之麻蒸  
也蒸折麻中幹也

大夫王崇左遷大司農擢寵為南陽太守譚潁川都

尉弘躬皆光祿大夫左曹給事中

四年春正月大旱 關東民無故驚走持橐或撮一

枚如涪曰撮麻幹也師古曰橐禾稈也音工老翻撮音鄒又音側九翻轉相付與曰行

西王母籌師古曰西王母元后壽考之象行道中相

過逢多至千數或被髮徒跣或夜折關或踰牆入或

乘車騎犇馳以置驛傳被皮義翻折而經郡國二十

六至京師不可禁止民又聚會里巷阡陌設博具師

日博戲歌舞祠西王母至秋乃止五行志曰此異乃

上欲封傳太后從父弟侍中光祿大夫商從才尚

書僕射平陵鄭崇諫曰孝成皇帝封親舅五侯天為

赤黃晝昏日中有黑氣事見三十卷成帝建始元年為于偽翻孔鄉侯

皇后父高武侯以三公封尚有因緣孔鄉侯傳喜言皇

后父及三公封侯尚有漢家舊比可因緣也今無故復欲封商壞亂制度

復扶又翻逆天人之心非傅氏之福也臣願以身命

當國咎崇因持詔書案起李奇曰持當受詔書案起也師古曰李說非也案者

即寫詔之文余按更始時常侍奏事韓夫人起抵破書案則案非文案之案也李說是傅太后

大怒曰何有為天子乃反為一臣所顛制邪二月癸

卯上遂下詔封商為汝昌侯恩澤侯表汝昌侯國於東郡須昌之陽穀考

異曰哀紀及恩澤侯表皆云商以今年二月封而孫寶傳云制詔丞相大司空按建平二年已罷大司空

案類與專通  
是子春秋秋禮  
得云君不欲飭  
法而厚臣專制  
者曰今免州府陽穀

尚紀封傳尚在三月  
與衣紀及恩澤侯  
表合

官疑傳誤

駙馬都尉侍中雲陽董賢得幸

於上出則參乘入御左右

乘繩證翻御侍也

賞賜累鉅萬貴

震朝廷常與上卧起嘗晝寢偏藉上袖

師古曰藉謂身卧其上

上欲起賢未覺

師古曰覺寐之寤也覺音工効翻

不欲動賢乃斷袖

而起

斷丁管翻

又詔賢妻得通引籍殿中止賢廬

師古曰廬謂殿

中所宿止處

又召賢女弟以為昭儀位次皇后昭儀及賢

與妻旦夕上下並侍左右

上時掌翻

以賢父恭為少府賜

爵關內侯詔將作大匠為賢起大第北闕下重殿洞

門師古曰重殿謂有前後殿洞門謂闕門相當也皆僭天子之制度者也為于偽翻重直龍翻土

木之功窮極技巧

技渠綺翻

賜武庫禁兵上方珍寶

禁中謂之

上方其選物上第盡在董氏選物物之選其尤者上第於眾物之中等第居上也

第與而乘輿所服乃其副也乘繩證翻及至東園祕器珠

襦玉匣師古曰東園署名屬少府漢舊儀云東園祕器作棺梓素木長三丈崇廣四尺珠襦以珠

為襦如鎧狀連縫之以黃金為縷腰以下玉為豫以

賜賢無不備具又令將作為賢起家塋義陵旁義陵帝壽

陵也塋余傾翻墓域內為便房剛柏題湊服虔曰便房藏中便坐也蘇林曰以柏木

黃心致累棺外曰黃腸木頭皆內向故曰題湊師古曰便房小曲室也外為徼道周垣

數里徼道徼循之道師古曰徼謂遮繞也音工鈞翻垣牆也門闕果音愚甚盛果

音愚鄭崇以賢貴寵過度諫上由是重得罪師古曰重音直

用數以職事見責數所翻發疾頸癰欲乞骸骨不敢尚

史記釋文徼道小  
道也非誤為道  
環遠便房之外以  
徼巡故曰徼道生  
之徼伺察也雖小  
道也豈可皆以徼  
道名之乎

書令趙昌佞調調古素害崇知見疏因奏崇與宗族

通疑有姦請治治直之上責崇曰君門如市人師古

請求者多何以欲禁切主上崇對曰臣門如市臣心

如水師古曰言願得考覆上怒下崇獄下遐司隸孫

寶上書曰成帝元延四年省司隸校尉綬和二年按

尚書令昌奏僕射崇獄覆治榜掠將死卒無一辭師古

曰榜掠謂笞擊而考問之也道路稱冤疑昌與崇內

有纖介師古曰言有浸潤相陷自禁門樞機近臣蒙

受冤譖虧損國家為謗不小臣請治昌以解眾心書

奏上下詔曰司隸寶附下罔上以春月作詆欺遂其

姦心蓋國之賊也免寶為庶人崇竟死獄中 三月

諸吏散騎光祿勳賈延為御史大夫延為光祿勳而加諸吏散騎也

百官表諸吏得舉法散騎騎旁乘輿車師古曰騎而散從無常職也散悉直翻上欲侯董

賢而未有緣侍中傅嘉勸上定息夫躬孫寵告東平

本章去宋弘更言因董賢以聞更定告章刊去宋弘各而入董賢各師古

曰定謂改治其章也去羌呂翻更工衡翻欲以其功侯之皆先賜爵關內

侯頃之上欲封賢等而心憚王嘉乃先使孔鄉侯晏

持詔書示丞相御史於是嘉與御史大夫賈延上封

事言竊見董賢等三人始賜爵眾庶匆匆咸曰賢貴

其餘并蒙恩師古曰言董賢以貴寵故至今流言未

解陛下仁恩於賢等不已宜暴賢等本奏語言師古曰暴

謂章露也延問公卿大夫博士議郎考合古今明正其義

然後乃加爵士不然恐大失眾心海內引領而議引

猶言引領也暴評其事必有言當封者在陛下所從

天下雖不說師古曰說外有所分不獨在陛下前定

陵疾瀉于長初封其事亦議事見三十一卷大司農

谷永以長當封眾人歸咎於永先帝不獨蒙其譏臣

嘉臣延材驚不稱稱尺證翻死有餘責知順指不迂師古曰迂

逆也音可得容身須臾所以不敢者思報厚恩也上

不得已且為之止為于偽夏六月尊帝太太后為

皇太太后傅太秋八月辛卯上下詔切責公卿曰

昔楚有子玉得臣晉文公為之側席而坐晉文公與楚戰勝於

城濮文公猶有憂色曰得臣猶在近事汲黯折淮南

憂未歇也記曰有憂者側席而坐之謀事見十九卷武今東平王雲等至有圖弑天子

逆亂之謀者是公卿股肱莫能悉心務聰明以銷厭

未萌故也師古曰悉盡也務聰明者賴宗廟之靈侍

中駙馬都尉賢等發覺以聞咸伏厥辜書不云乎用

德章厥善師古曰尚書其封賢為高安侯恩澤侯表

於朱扶而朱扶南陽太守寵為方陽侯恩澤侯表方

郡龍左曹光祿大夫躬為宜陵侯恩澤侯表宜陵侯

高安侯今青州臨朐  
諸城之間  
方陽今鳳陽府懷遠  
郡

宜陵今屬陽府西南

宣陵今南陽府西角

陽信今南陽府新野也

案母將之姓毋  
武夫切音如無

賜右師譚爵關內侯又封傅太后同母弟鄭惲子業

為陽信侯恩澤侯表陽信侯國於南陽新野惲於粉翻息夫躬既親近數

進見言事近其靳翻數所議論無所避上疏歷詆公

卿大臣眾畏其口見之及目上使中黃門續漢志中黃門

比百石掌給事禁中發武庫兵前後十輩送董賢及上乳母王

阿舍執金吾母將隆奏言武庫兵器天下公用國家

武備繕治造作皆度大司農錢母將複姓治直之翻蘇林曰用度皆出大

司農大司農錢自乘輿不以給共養共養勞賜一出少

府乘繩證翻師古曰共音居用蓋不以本臧給末用

不以民力共浮費臧古藏字通音徂浪翻師古曰共讀曰供下同別公私示

通考卷三十一日長建平四年

錢曰契與契同音  
改正之

正路也

別彼列翻

古者諸侯方伯得顓征伐乃賜斧鉞

禮記

曰諸侯賜斧鉞然後征王制八州八伯謂之方伯各統其州之國

漢家邊吏職任距

寇亦賜武庫兵皆任事然後蒙之

任音

春秋之誼家

不臧甲

春秋公羊傳載孔子墮三都之言臧與藏通讀從平聲

所以抑臣威損

私力也今賢等便僻弄臣

便頻連翻

私恩微妾而以天下

公用給其私門契國威器共其家備

李奇曰契缺也

師古曰李說是也音詰結翻

民力分於弄臣武兵設於微妾建立

非宜以廣驕僭非所以示四方也孔子曰奚取於三

家之堂

師古曰論語云三家者以雍徹孔子曰相維

辟公天子穆穆奚取於三家之堂言以雍徹食乃天子之禮何為在三家之堂也三家謂魯叔孫仲孫季孫也余謂隆引孔子之言以謂武庫兵器不

吳云沛都尉治新公  
鳳陽府宿州

當以共臣妾之家猶歌臣請收還武庫上不說說讀

頃之傳太后使謁者賤買執金吾官婢八人隆奏事

買賤請更平直漢書作賈賤賈上於是制詔丞相御

史隆位九卿既無以匡朝廷之不逮而反奏請與求

信官爭貴賤之賈傳太后稱傷化失俗以隆前有安

國之言左遷為沛郡都尉初成帝末隆為諫大夫嘗

奏封事言古者選諸侯入為公卿以褒功德如衛武

公莊公宜徵定陶王使在國邸以填萬方師古曰填

是也竹刃故上思其言而宥之諫大夫渤海鮑宣上書

曰姓譜鮑本自夏禹之裔因封竊見孝成皇帝時外

親持權人人牽引所私以充塞朝廷塞悉則翻妨賢人路

濁亂天下奢泰亡度亡古無字通窮困百姓是以日食且

十彗星四起日食十注已見三十二卷元延二年建始元年星孛于營室元延元年星孛于

營室元延元年星孛于東井後又晨出東方十三日又夕見西方是四起也彗祥歲翻延芮翻又徐醉翻

危亡之徵陛下所親見也今柰何反覆劇於前乎覆當

作復劇增也甚也今民有七亡師古曰亡謂失其作業也陰陽不和水旱

為災一亡也縣官重責更賦租稅二亡也師古曰更謂為更卒

也音工衡翻貪吏並公受取不已三亡也師古曰並依也音步浪翻豪

彊大姓蠶食亡厭四亡也亡厭上古無字通下音於鹽翻苛吏繇役

失農桑時五亡也繇古徭字通部落鼓鳴男女遮列六亡

失典農桑時五亡也字通

也師古曰言聞桴鼓之聲以為盜賊劫略取民財物

七亡也七亡尚可又有七死師古曰酷吏歐殺一死也師古曰

擊也音治獄深刻二死也治直冤陷亡辜三死也古

一口翻盜賊橫發四死也師古曰橫怨讎相殘五死

也歲惡饑餓六死也時氣疾疫七死也天有六氣陰

也分為四時序為五節過則為災民有七亡而無一

得欲望國安誠難民有七死而無一生欲望刑措誠

難此非公卿守相貪殘成化之所致邪羣臣幸得居

尊官食重祿豈有肯加惻隱於細民助陛下流教化

者邪師古曰惻志但在營私家稱賓客為姦利而已

師古曰務稱賓客以苟容曲從為賢以拱默尸祿為

智拱默拱手而默然不言也師古曰謂如臣宣等為

愚陛下擢臣巖穴誠冀有益豪毛豈徒使臣美食大

官重高門之地哉晉灼曰高門殿名也師古曰在未

朝廷之重而不計其有益於時與否天下乃皇天之天下也陛下上為

皇天子下為黎庶父母為天牧養元元為天之為視

之當如一合尸鳩之詩師古曰尸鳩曹國風之篇也

淑人君子其儀一兮言尸鳩養其子七平均如一善

人君子布德施惠亦當然也毛氏曰尸鳩結鞠也尸

鳩之養其子朝從上下暮從下上今貧民菜食不厭

衣又穿空

師古曰厭飽足也空也父子夫婦不能相保

誠可為酸鼻陛下不救將安所歸命乎奈何獨養外

親與幸臣董賢多賞賜以大萬數使奴從賓客漿酒

藿肉劉德曰視酒如漿視肉如藿也師古蒼頭盧兒

皆用致富孟康曰黎民黔首黔黎皆黑也下民陰類

於良人也諸給事殿中者所居為廬蒼頭侍從因呼

為廬兒臣瓚曰漢儀注官奴給書計從侍中已下為蒼頭青幘非天意也及汝昌侯傳商亡功而封古亡無字

夫官爵非陛下之官爵乃天下之官爵也陛下取非

其官官非其人師古曰此官不當加於此而望天說

民服豈不難哉說讀方陽侯孫寵宜陵侯息夫躬辯

足以移衆彊可用獨立姦人之雄惑世尤劇者也宜

以時罷退及外親幼童未通經術者皆宜令休就師

傳急徵故大司馬傅喜使領外親故大司空何武師

丹故丞相孔光故左將軍彭宣經皆更博士言經學有師法

也更工位皆歷三公龔勝為司直郡國皆慎選舉直

衡翻掌佐丞相舉不法勝守正不阿郡國懼為所舉奏故皆慎於選舉可大委任也陛下

前以小不忍退武等師古曰少有不快海內失望陛下

下尚能容亡功德者甚眾曾不能忍武等邪治天下

者當用天下之心為心治直不得自專快意而已也

宣語雖刻切上以宣名儒優容之匈奴單于上書

願朝五年朝直時帝被疾被皮或言匈奴從上游

來朕人服慶曰游植流也河水從西北來

來厭人

服虔曰游猶流也河水從西北來故曰上游也師古曰上游亦總謂地形耳不必係於河

水也厭音一涉翻厭勝也

自黃龍竟寧時單于朝中國輒有大故

師古曰大故謂國之大喪

上由是難之以問公卿亦以為虛費府

帑

師古曰府物所聚也帑藏金帛之所也帑音他莽翻又音奴

可且勿許單于使

辭去未發

已辭而未行也使疏吏翻

黃門郎揚雄上書諫曰臣聞

六經之治貴於未亂兵家之勝貴於未戰

書周官曰制治于未

亂兵法曰戰不必勝不苟接刃師古曰已亂而後治之戰鬪而後獲勝則不足貴治直吏翻二者

皆微謂師古曰微謂精妙也

然而大事之本不可不察也今單于

上書求朝國家不許而辭之臣愚以為漢與匈奴從

此隙矣

言嫌隙從此而開也

匈奴本五帝所不能臣三王所不

徐德森曰石破古通  
石畫即石畫見勿  
塞卦上六往蹇來  
碩古漢注長為石是  
可証石之訓為大師  
古設酒吳

能制其不可使隙明甚臣不敢遠稱請引秦以來明

之以秦始皇之疆蒙恬之威然不敢窺西河乃築長

城以界之蒙恬斥逐匈奴以北河為竟漢朔方郡地是也秦不能取築長會漢初興以高祖之威靈三十

城起臨洮以界之

萬眾困於平城事見十一卷時竒譎之士石畫之臣

甚眾鄧展曰石大也師古曰石言堅固如石也畫計策也音獲卒其所以脫者世

莫得而言也師古曰卒然也莫得而言謂自免又高

后時匈奴悖慢大臣權書遺之然後得解事見十二卷惠帝三

年杜佑曰以權道為書順辭以答遺于季翻及孝文時匈奴侵暴北邊候

騎至雍甘泉京師大駭發三將軍屯棘門細柳霸上

以備之數月乃罷事見十五卷文帝孝武即位設馬

邑之權欲誘匈奴徒費財勞師一虜不可得見况單

于之面乎事見十七卷武帝元光二年言欲見匈奴一人且不可得况使單于面來獻見乎

其後深惟社稷之計規恢萬載之策載子乃大興師

數十萬使衛青霍去病操兵前後十餘年於是浮西

河絕大幕破寘顏襲王庭窮極其地追犇逐北封狼

居胥山禪於姑衍以臨瀚海虜名王貴人以百數自

是之後匈奴震怖益求和親然而未肯稱臣也事並見武

帝紀操于高翻寘音填怖普布翻且夫前世豈樂傾無量之費役無

罪之人快心狼望之北哉師古曰狼望匈奴中地名余謂邊人謂舉燧為狼煙

狼望謂狼煙候地樂音洛以為不壹勞者不久逸不暫費者不

求寧是以忍百萬之師以摧餓虎之喙師古曰喙口也

師於獸口也喙許穢翻余謂順文而為運府庫之財說其義自通唐諱虎故師古改曰獸

填廬山之壑而不悔也師古曰廬山匈奴中山也余按衛青薨起冢象廬山青唯

絕幕至寘顏山耳或者寘顏山即廬山歟孟康曰廬山單于南庭也至本始之初匈奴

有桀心師古曰桀堅也欲掠烏孫侵公主乃發五將

之師十五萬騎以擊之時鮮有所獲徒奮揚威武明

漢兵若雷風耳雖空行空反尚誅兩將軍事見二十四卷宣帝

本始三年鮮息踐翻兵若雷風言師速而疾風驅霆行一過而不留也故北狄不服中

國未得高枕安寢也枕職逮至元康神爵之間大化

神明鴻恩溥洽而匈奴內亂五單于爭立日逐呼韓

邪攜國歸死扶伏稱臣事並見宣帝紀歸死者歸死命於漢也扶伏猶言匍匐也

師古曰伏音蒲北翻然尚羈縻之計不頡制師古曰頡與專同專制謂以為臣妾

也自此之後欲朝者不距朝直遙翻不欲者不彊師古曰彊音其

兩翻何者外國天性忿鷙形容魁健負力怙氣難化以

善易肄以惡師古曰鷙音竹二翻鷙狠也魁大也負恃也余謂肄習也言易習於為惡也

其彊難誣屈同其和難得故未服之時勞師遠攻傾

國殫貨伏尸流血破堅拔敵如彼之難也既服之後

慰薦撫循交接賂遺威儀俯仰如此之備也往時嘗

屠大宛之城事見二十一卷武帝元翻蹈烏桓之壘事見

建平四年

三卷昭帝探姑繒之壁事見二十三年昭帝藉蕩姐

之場劉德曰蕩姐羌屬師古曰藉猶蹈也姐音紫艾

朝鮮之旃事見二十一卷武帝元封三年師拔兩越

之旗見二十卷武帝元鼎六年近不過旬月之役遠不離二時之

勞師古曰離歷也固已犁其庭師古曰犁耕也掃其閭郡縣

而置之雲徹席卷後無餘災如雲之徹如席之卷天

也唯北狄為不然真中國之堅敵也三垂比之懸矣

師古曰前師古曰世重之茲甚此也茲甚此為甚也未易

可輕也易以今單于歸義懷欵誠之心欲離其庭陳

見于前離力此乃上世之遺策神靈之所想望國家

惟費不昇... 首... 及... 年... 開... 言...

雖費不得已者也柰何距以來厭之辭謂或言從上游來厭人也

踈以無日之期止其來朝辭以他日而無消往昔之

恩開將來之隙夫疑而隙之使有恨心負前言緣往

辭歸怨於漢師古曰言單于因緣往昔和好之辭以

有和好之言也因以自絕終無北面之心威之不可諭之不

能焉得不為大憂乎焉於夫明者視於無形聰者聽

於無聲誠先於未然先悉即兵革不用而憂患不生

不然壹有隙之後雖智者勞心於內辯者轂擊於外

師古曰轂擊言使車交馳其轂相擊也轂戶谷翻猶不若未然之時也且往

者圖西域制車師置城郭都護三十六國事並見武帝宣帝紀

三子國新在右費  
上歲以大萬計者之學

建平四年

豈為康居烏孫能踰白龍堆而寇西邊哉為于偽乃

以制匈奴也夫百年勞之一日失之費十而愛一謂

者不憚十分之費以制匈奴今來臣竊為國不安也

朝之費十分之一耳乃愛惜之唯陛下少留意於未亂未戰少詩以遏邊萌之

為于禍謂邊民也書奏天子寤焉召還匈奴使者更報單

于書而許之更工衡賜雄帛五十匹黃金十斤單于

未發會病復遣使願朝明年復扶上許之董賢貴

幸日盛丁傳害其寵孔鄉侯晏與息夫躬謀欲求居

位輔政會單于以病未朝躬因是而上奏上時以為

單于當以十一月入塞後以病為解師古曰病疑有

他變烏孫兩昆彌弱卑爰寔疆盛東結單于遣子往

侍事見上建平二年寔竹二翻恐其合執以并烏孫烏孫并則匈

奴盛而西域危矣可令降胡詐為卑爰寔使者來上

書欲因天子威告單于歸臣侍子因下其章降戶江翻下遐

稼令匈奴客聞焉則是所謂上兵伐謀匈奴客謂匈

度曰謀者舉兵伐解之也師古曰此說非也言知敵

有謀者則以事而應之沮其所為不用兵革所以為

貴耳上兵伐謀其次其次伐交者也師古曰知敵有

伐交孫武子之言者則間而誤之外交連結相授書奏上引見躬見賢遍翻下召公卿

將軍大議左將軍公孫祿以為中國常以威信懷伏  
夷狄躬欲逆詐逆詐者敵之詐謀未見欲迎測其情也造不信之謀不

可許且匈奴賴先帝之德保塞稱藩今單于以疾病

不任奉朝賀遣使自陳不失臣子之禮任音臣祿自

保沒身不見匈奴為邊竟憂也竟讀躬掎祿曰師古

從後引之也謂引躡其言也音居綺翻臣為國家計為于冀先謀將然

師古曰謂彼欲有其事則為謀策以壞之豫圖未形師古曰圖謀也未為

萬世慮而祿欲以其犬馬齒保目所見臣與祿異議

未可同日語也上曰善乃罷羣臣獨與躬議躬因建

言災異屢見恐必有非常之變可遣大將軍行邊兵

敕武備師古曰行音下斬一郡守以立威震四夷守

又因以厭應變異師古曰厭上然之以問丞相嘉對

曰臣聞動民以行不以言孟行下翻應天以實不以文下

民微細猶不可詐况於上天神明而可欺哉天之見

異師古曰見謂顯示也所以敕戒人君欲令覺悟反正推誠行

善民心說而天意得矣說讀日悅辯士見一端或妄以意

傳著星歷師古曰傳讀日附著音治略翻虛造匈奴西羌之難難日翻

謀動干戈設為權變非應天之道也守相有臯相息亮翻

車馳詣闕交臂就死恐懼如此而談說者欲動安之

危師古曰之往也言搖動安安全之計往就危殆也辯口快耳其實未可從夫

議政者苦其譎諛傾險辯惠深刻也諛古字昔秦繆公

不從百里奚蹇叔之言以敗其師其悔過自責疾誅

誤之臣思黃髮之言名垂於後世秦穆公欲襲鄭蹇叔百里奚諫不聽

遂出師晉襄公要而敗諸殺還歸作秦誓以悔過其辭曰惟古之謀人則曰未就予忌惟今之謀人姑將

以為親雖則云然尚猷詢茲黃髮則罔所愆又曰惟截截善論言俾君子易辭我皇多有之昧昧我思之

敗補邁翻願陛下觀覽古戒反覆參考無以先入之

語為主師古曰謂躬為此上不聽躬為董賢沮躬策遂得罪張本

浙江

資治通鑑卷第三十四

資治通鑑卷第三十五

翰林學士朝散大夫右諫議大夫知制誥兼侍講同提舉萬壽觀公事兼判集賢院上護軍河內郡開國侯食邑一千三百戶賜紫金魚袋臣司馬光奉

勅編集

後學

天台

胡三省

音註

漢紀二十七

起屠維協洽盡玄默閏茂凡四年

孝哀皇帝下

元壽元年春正月辛丑朔

考異曰荀紀云辛卯朔誤

詔將軍中

二千石舉明習兵灋者各一人因就拜孔鄉侯傅晏為大司馬衛將軍陽安侯丁明為大司馬票騎將軍

元壽元年

後德在漢書王嘉  
傳都內句下更有水  
衡錢二十五萬為少  
府錢十萬為兩句  
二十五合八共四十三  
曰都內錢四十萬者  
學成數也都內者  
京都之內非謂大  
司農之都內令丞  
故下文少府水衡見  
錢多不言都內  
通鑑刪司馬以都  
內為水衡火府取  
其為同耳胡注未達

用息夫躬之言也  
票頻妙翻

是日日有食之上詔公卿大夫悉

心陳過失又令舉賢良方正能直言者各一人大赦

天下丞相嘉奏封事曰孝元皇帝奉承大業温恭少

欲翻少詩沼下同都內錢四十萬萬百官表大司農嘗幸上

林後宮馮貴人從臨獸圈猛獸驚出貴人前當之即

十九卷建昭元年元帝嘉美其義賜錢五萬師古曰

雖嘉其義而事也圈求遠翻言此事元帝嘉美其義賜錢五萬師古曰

賞亦不多掖庭見親有加賞賜屬其人勿眾謝師古

曰掖庭官人有親戚來見而帝賜之者屬其家勿使  
於眾人中謝也見賢遍翻下見錢同屬音之欲翻余  
謂有見親幸者加之賞賜示平惡偏惡烏路翻重失人心

則屬其人勿於眾中謝也示平惡偏惡烏路翻重失人心  
賞賜節約是時外戚賞千萬者少耳故少府水衡見

錢多也少府掌禁錢水衡都尉有鍾官官辨銅至重

錢多也。少府掌禁錢水衡都尉有鍾官辨銅雖遭初

元永光凶年饑饉加以西羌之變。永光二年西羌反外奉師

旅內振貧民終無傾危之憂以府臧內充實也。臧讀

音徂浪翻孝成皇帝時諫臣多言燕出之害。師古曰燕出謂微行也

及女寵專愛耽於酒色損德傷年其言甚切然終不

怨怒也寵臣滔于長張放史育育數貶退家貲不滿

千萬放斥逐就國。事見三十三卷成帝長榜死於獄

事見三十二卷不以私愛害公義故雖多內譏朝

廷安平。師古曰言雖有好內傳業陛下陛下在國之

時好詩書。好呼到翻上儉節徵來所過道上稱誦德美此

天下所以回心也。師古曰：望為治也。余謂回心者，初回其戴成帝之心，而戴哀帝也。

即位易帷帳去錦繡。去羌翻。乘輿席緣綈繒而已。

緣俞綃翻。師古曰：綈厚繒也。音徒奚翻。繒慈陵翻。共皇寢廟比當作。共音恭。比近也。

音毗。至翻。憂閔元元惟用度不足。師古曰：惟思也。以義割恩輒且

止息。今始作治。治直之翻。下同。而駙馬都尉董賢亦起官寺

上林中又為賢治大第開門鄉北闕。為于偽翻。鄉讀曰嚮。下獨鄉同。

引王渠灌園池。蘇林曰：王渠官渠也。猶今御渠也。晉灼曰：渠名也。在城東覆盜門外。師古

曰：晉說是。使者護作賞賜吏卒甚於治宗廟。師古曰：護監視也。賢

母病長安厨給祠具。師古曰：長安有厨官主為官食。道中過者皆飲

食。如淳曰：禱於道中，故行人皆得飲食。余謂若據文理，則飲音於禁，翻食讀曰似。為賢治器

器成奏御乃行或物好特賜其工自貢獻宗廟三宮

猶不至此師古曰三宮天子太后皇后也原父曰是時太皇太后稱長信宮傅太后稱永信宮

而丁姬稱中安宮故以三宮為言余按此時丁姬死矣三宮蓋謂長信永信及趙太后宮也

有賓婚及見親諸官並共師古曰見親親戚相見也並共言百官各以所掌事

及財物就供賜及倉頭奴婢人十萬錢使者護視發之共讀曰供

取市物百賈震動師古曰賈謂販賣之人也言百賈者非一之稱也賈音古道路

謹譁謹許元翻羣臣惶惑詔書罷苑而以賜賢二千餘頃

均田之制從此墮壞孟康曰自公卿以下至于吏民名曰均田皆有頃數於品制中

令均等今賜賢二千餘頃則壞其制也師古曰墮音火規翻均田見三十三卷奢僭放

縱變亂陰陽災異眾多百姓訛言持壽相驚師古曰言行西

王母

天惑其意不能自止陛下素仁智慎事今而有

此大譏孔子曰危而不持顛而不扶則將安用彼相

矣

師古曰論語季氏將伐顛史冉有季路見於孔子孔子以此言責之以其不匡諫也相息亮翻

臣

嘉幸得備位竊內悲傷不能通愚忠之信身死有益

於國不敢自惜唯陛下慎已之所獨鄉察衆人之所

共疑往者鄧通韓嫣驕貴失度逸豫無厭小人不勝

情欲卒陷罪辜亂國亡軀不終其祿

鄧通幸於文帝賜以蜀嚴道銅

山景帝立人告通盜出徼外鑄錢沒入其家卒以餓

死韓嫣幸於武帝出入求巷不禁以姦聞賜死所謂愛之適足以害之者也宜深覽

前世以節賢寵全安其命上由是於嘉浸不說

為嘉死不

辛棄馬融注論孩子  
亂云其人後文母  
正大觀也師古用之  
劉冲馮蓋从原文之  
說以易其注但原  
姜仲馮文改  
文母為大任  
其說又異  
詩周頌毛傳  
列女傳皆云  
文母是太姒

以罪張本前涼州刺史杜鄴以方正對策曰臣聞陽

尊陰卑天之道也是以男雖賤各為其家陽女雖貴

猶為其國陰故禮明三從之義師古曰謂婦人在家從父既嫁從夫夫死

從雖有文母之德必繫於子師古曰文母文王之妃

謂劉說是詩曰思齊太任文王之母太姒也仲馮曰文母文

氏之欲終有叔段篡國之禍左傳鄭武姜生莊公及

為之請京使居之祭仲諫曰國之害也公曰姜氏

襄王內迫惠后之難而遭居鄭之危史記周惠王二

帶惠后愛叔帶襄王既立叔帶召狄人狄人伐周王

御士將禦之王曰先后其謂我何乃出居于鄭難乃

翻漢興呂太后權私親屬幾危社稷事見高后紀竊

見陛下約儉正身欲與天下更始更工衡翻然嘉瑞未應

而日食地震案春秋災異以指象為言語師古曰謂天不言但

以景象指意告諭人日食明陽為陰所臨日者陽宗陰盛陽微日為所揜而食是為

陰所臨也坤以灋地為土為母以安靜為德震不陰之効

也師古曰言地當安靜而今乃震是為不遵陰道也占象甚明臣敢不直言

其事昔曾子問從令之義孔子曰是何言與師古曰曾子問

從父之令可謂孝乎孔子非之事見孝經與讀曰歟善閔子騫守禮不苟從親

所行無非理者故無可問也師古曰論語稱孔子曰孝哉閔子騫人不問於

其父母兄弟之言是也閒音居覓翻今諸外家昆弟無賢不肖並侍帷

幄布在列位師古曰不問賢與不肖皆親近在位或典兵衛或將軍屯

帷布在列位師古曰不肖皆親近在位或典兵衛或將軍也

將即亮翻寵意并於一家積貴之執世所希見所希聞也

至乃並置大司馬將軍之官皇甫雖盛三桓雖隆魯

為作三軍無以甚此言周以皇甫為卿士魯三桓彊盛作三軍而三分公室比丁傅

無以甚也為于偽翻當拜之日晡然日食師古曰晡音烏感翻不在前後

臨事而發者明陛下謙遜無專承指非一所言輒聽

所欲輒隨師古曰謂皆迫於太后也有罪惡者不坐辜罰無功能

者畢受官爵流漸積猥過在於是猥還也言有罪惡者不誅無功能者

並進其流漸至積還也欲令昭昭以覺聖朝朝直遙翻昔詩人所刺

春秋所譏指象如此殆不在它由後視前忿邑非之

師古曰由從也邑於邑也逮身所行不自鏡見則以為可計之過

者師古曰逮及也鏡鑒照也自願陛下加致精誠思

承始初事稽諸古以厭下心師古曰每事皆考於古者厭滿也音一贍翻

則黎庶羣生無不說喜說讀曰悅上帝百神收還威怒禎

祥福祿何嫌不報師古曰曰上又徵孔光詣公車問以

日食事拜為光祿大夫秩中二千石給事中位次丞

相初王莽既就國建平二年杜門自守其中子獲殺

奴中讀曰仲莽切責獲令自殺在國三歲吏民上書冤訟

莽者百數師古曰言其合管朝政至是賢良周護宋

崇等對策復深訟莽功德復扶又翻上於是徵莽及平阿

侯仁還京師侍太后侍太皇太后也董賢因日食之變以

且董賢安息夫病之策祖在辛卯上夜安...

沮傳晏息夫躬之策沮在呂翻辛卯上收晏印綬罷就策

丁巳皇太后傅氏崩合葬渭陵稱孝元傅皇后

史記正義曰漢帝后同陵則為合葬不合陵也諸陵皆如此傅氏以側室而合葬稱孝元傅皇后太皇太后在上此心為何如邪宜其啓王莽而授之以柄也丞相御史奏息夫躬孫

寵等臯過上乃免躬寵官遣就國又罷侍中諸曹黃

門郎數十人丁傅之親黨也鮑宣上書曰陛下父事天母事

地子養黎民即位以來父虧明母震動子訛言相驚

恐今日食於三始如瀆曰正月一日為歲之朝朝猶始也誠可

畏懼小民正朔日尚恐毀敗器物敗補何況於日虧

乎陛下深內自責避正殿舉直言求過失罷退外親

及旁不素餐之人徵拜孔光爲光祿大夫發覺孫寵

息夫躬過惡免官遣就國衆庶歛然莫不說喜師古歛

音翁天人同心人心說則天意解矣說讀日悅乃二月丙戌

白虹干日虹日旁氣也白兵象干犯也連陰不雨此天下憂結未

解民有怨望未塞者也塞悉則翻侍中駙馬都尉董賢本

無葭莩之親但以令色諛言自進令善也諛諂也孔安國曰令色無質

巧言無實賞賜無度竭盡府臧臧讀曰藏音祖浪翻并合三第尚以

爲小復壞暴室師古曰時以三第總爲一第賜賢猶嫌陞小復取暴室之地以增益之也

復扶又賢父子坐使天子使者言其驕將作治第將作

大匠掌治宮室使爲行夜使卒皆上賞賜師古曰爲賢第上持時行

夜者行音上家可會成上爲之世共

夜者行音  
下孟翻

上冢有會輒大官為供為之供具也為海

內貢獻當養一君今反盡之賢家豈天意與民意邪

天不可久負暴殄天物以私厚之如此反所以害之

也誠欲哀賢宜為謝過天地解讎海內免遣就國收

乘輿器物還之縣官此所謂謝過解讎也可以父子

終其性命不者海內之所仇未有得久安者也孫寵

息夫躬不宜居國可皆免以視天下師古曰視復徵

何武師丹彭宣傳喜曠然使民易視以應天心建立

大政興太平之端上感大異納宣言徵何武彭宣拜

鮑宣為司隸 上託傳太后遺詔令太皇太后下丞

孔鄉今定之衛州見三  
十四卷汝昌今定之南  
陽府新野縣見三十五

相御史益封董賢二千戶賢先封千戶賜孔鄉侯汝

昌侯陽新侯國三人者先雖封侯未有國邑今賜之

傳昭儀傳作陽信王嘉傳及恩澤侯表作陽新王嘉封還詔書後世給舍封

曰還謂卻上之於天子也因奏封事諫曰臣聞爵祿土地天之有

也書云天命有德五服五章哉師古曰虞書臯陶謨

德者以居列位天子諸侯卿大夫士尊卑之服采章各異也王者代天爵人尤宜

慎之裂地而封不得其宜則衆庶不服感動陰陽其

害疾自深師古曰言此氣損害今聖體久不平此臣

嘉所內懼也高安侯賢佞幸之臣陛下傾爵位以貴

之單貨財以富之師古曰言損至尊以寵之師古曰言

師古曰言

為下所窺也。余謂帝為賢治第，礙於宮闕，乘輿器物充牣其家，此所謂損至尊以寵之也。主威已

黜，府臧已竭，唯恐不足財，皆民力所為。孝文欲起露

臺，重百金之費，克已不作。事見文帝紀今賢散公賦以施

私惠，一家至受千金。往古以來，貴臣未嘗有此流聞。

四方皆同怨之。里諺曰：千人所指，無病而死。臣常為

之寒心。偽翻今太皇太后以求信太后遺詔，詔丞相

御史益賢戶，賜三侯國。臣嘉竊惑山崩地動，日食於

三朝，皆陰侵陽之戒也。前賢已再封。謂賢先封關內侯，繼封高安侯。

也。晏商再易邑。商先嗣爵崇祖侯，後改封汝昌侯。晏無所考。按表晏先以皇后父封三千戶。

又益二千戶。業緣私橫求。橫戶孟翻恩已過厚，求索自恣。

食邑於夏上。業緣私橫求。恩已過厚，求索自恣。

不知厭足甚傷尊尊之義

封三侯者所以尊傅太后今求濫恩不知厭足則傷

尊尊之義矣索山客翻厭於鹽翻

不可以示天下為害痛矣痛甚臣

驕侵罔

師古曰罔謂誣蔽也

陰陽失節氣感相動害及身體陛下

寢疾久不平繼嗣未立宜思正萬事順天人之心

以求福祐乃何輕身肆意

肆放也

不念高祖之勤苦

垂立制度欲傳之於無窮哉臣謹封上詔書不敢露

見

上時掌翻見賢遍翻

非愛死而不自灋

謂不以違拒詔指之灋自劾也恐天

下聞之故不敢自劾

言自劾則天下知其事也劾戶槩翻

初廷尉梁相

治東平王雲獄時冬月未盡二旬而相心疑雲冤獄

有飾辭

師古曰假飾之辭非其實也治直之翻

奏欲傳之長安

師古曰謂移

豈乃何故奈何

其獄事也傳知戀翻更下公卿覆治下遐稼尚書令鞠譚僕射

宗伯鳳以為可許師古曰鞠及宗伯皆姓也宗天子

以為相等皆見上體不平外內顧望操持兩心師古曰操

音干幸雲踰冬無討賊疾惡主讎之意謂僥幸雲獄

高翻免相等皆為庶人後數月大赦嘉薦相等皆有

材行行下聖王有計功除過臣竊為朝廷惜此三人

按公卿表建平元年大司農梁相為廷尉二年貶為

東海都尉三年左馮翊方賞為廷尉四年徙本紀東

平王雲有罪自殺在建平四年大赦天下在今年正

月若以表為證則當治東平時廷尉乃方賞非梁相  
表言相貶不言免為庶人又今年大赦上距建平三  
年十二月治東平獄時已一暮有餘是大赦亦不在  
後數月也通鑑書王嘉薦梁相等三人全取漢書王  
嘉傳然傳與紀表歲月自相抵牾繫年之書可謂難

矣為于偽書奏上不能平師古曰後二十餘日嘉封

還益董賢戶事上乃發怒召嘉詣尚書責問以相等

前坐不忠罪惡著聞君時輒已自劾今又稱譽云為

朝廷惜之何也劾戶槩翻嘉免冠謝罪事下將軍朝

者朝者當時見入朝之臣也朝直遙翻光祿大夫孔光等劾嘉迷國罔

上不道請謁者召嘉詣廷尉詔獄議郎龔等以為嘉

言事前後相違宜奪爵土免為庶人永信少府猛等

以為嘉罪名雖應灋謂灋當下吏也大臣括髮關械裸躬就

笞師古曰括結也非所以重國褒宗廟也上不聽詔

假謁者節召丞相詣廷尉詔獄使者既到府掾史涕

為經有光祿大夫龔  
遂議嘉不應以迷  
罔上不道坐罪

泣共和藥進嘉和戶卧翻嘉不肯服主簿曰將相不

對理陳寃相踵以為故事文帝自此待大臣有節將

相有罪皆自殺不受刑然景帝時周亞夫武帝時公

孫賀劉屈氂猶下獄死相踵為故事言其槩也理獄

也對理對獄也言大臣之體縱有寃師君侯宜引決古

不對獄而自陳也師古曰踵猶躡也師古曰以殺也使者危坐府門上逼促嘉也主簿復前進藥

嘉引藥杯以擊地謂官屬曰官屬謂掾丞相幸得備

位三公奉職負國當伏刑都市以示萬眾丞相豈兒

女子邪何謂咀藥而死師古曰咀嚼嘉遂裝出見使

者再拜受詔裝出者朝乘吏小車去蓋不冠去羌隨呂翻

使者詣廷尉廷尉收嘉丞相新甫侯印綬恩澤侯表

於南陽新野縛嘉載致都船詔獄百官表執金吾屬官有中壘寺互武庫都船四

令丞如涪曰漢儀注有寺互都船獄上聞嘉生自詣吏大怒上欲嘉自

獄故大怒使將軍以下與五二千石雜治漢治大臣獄率

又使將軍同治之怒之甚也晉灼曰大吏詰問嘉去

臣獄重故使秩二千石者五人雜治之吉翻嘉對曰案事者思得實竊見相等前治東平王獄

不以雲為不當死欲關公卿示重慎關會也古者獄

參聽之示明誠不見其外內顧望阿附為雲驗驗徵

謹於用刑也復幸得蒙大赦復扶相等皆良善吏臣竊為

國惜賢不私此三人獄吏曰苟如此則君何以為罪

猶當有以負國不空入獄矣吏欲文致以負吏稍侵

辱嘉嘉喟然仰天歎曰喟上愧翻幸得充備宰相不

能進賢退不肖以是負國死有餘責吏責其負國吏

問賢不肖主名嘉曰賢故丞相孔光故大司空何武

不能進惡高安侯董賢父子亂朝而不能退惡烏路

翻罪當死死無所恨嘉繫獄二十餘日不食歐血而

死已而上覽其對思嘉言會御史大夫賈延免夏五

月乙卯以孔光為御史大夫秋七月丙午以光為丞

相復故國博山侯又以汜鄉侯何武為御史大夫上

乃知孔光前免非其罪以過近臣毀短光者光免事

建平二年過督曰傳嘉前為侍中毀譖仁賢誣愬大

過也答之也

臣令俊艾者久失其位

師古曰艾讀曰刈

其免嘉為庶人歸

故郡傅氏本河內温人

八月何武徙為前將軍辛卯光祿

大夫彭宣為御史大夫 司隸鮑宣坐摧辱丞相拒

閉使者無人臣禮減死髡鉗丞相孔光四時行園陵

鈞止丞相掾史没入其車馬摧辱丞相事下御史中丞侍御史至司隸官欲捕從事閉門不肯內坐以拒

閉使者罪大司馬丁明素重王嘉以其死而憐之九月

乙卯毋免明使就第 冬十一月壬午以故定陶太

傅光祿大夫韋賞為大司馬車騎將軍己丑賞卒成帝

省王國太傅更曰傅此猶曰太傅者習於舊稱未能頓從新稱也賞韋賢之孫弘之子也 十二

月庚子以待中駙馬都尉董賢為大司馬衛將軍毋

案此時衛將軍毋明必罷

曰建爾于公以爲漢輔往悉爾心匡正庶事允執其

中是時賢年二十二雖爲三公常給事中領尚書事

給事禁中而百官因賢奏事審食其以丞相而侍禁

領尚書事也三公侍禁中哀帝嬖之也論道經邦之任安在哉以父衛尉恭不宜在卿位

徙爲光祿大夫秩中二千石弟寬信代賢爲駙馬都

尉董氏親屬皆侍中諸曹奉朝請寵在丁傅之右矣

朝直遙翻請才初丞相孔光爲御史大夫賢父恭爲

御史事光及賢爲大司馬與光並爲三公上故令賢

私過光令私往見之觀其所光雅恭謹雅素知上欲

尊寵賢及聞賢當來也光警戒衣冠出門待望見賢

車乃却入賢至中門光入閣既下車乃出拜謁送迎

甚謹不敢以賓客鈞敵之禮此非恭而無禮者邪光能卑事董賢則必能曲

徇王莽矣上聞之喜立拜光兩兄子為諫大夫光有三兄

知兩兄子為誰常侍為諫大夫而加常侍官也賢自是權與人主侔矣師古

日侔是時成帝外家王氏衰廢唯平阿侯譚子去疾

為侍中去羌呂翻弟閔為中常侍閔妻父中郎將蕭咸前

將軍望之子也賢父恭慕之欲為子寬信求咸女為

婦為于偽翻使閔言之咸惶恐不敢當私謂閔曰董公為

大司馬冊文言允執其中此乃堯禪舜之文論語堯曰咨爾

舜天之歷數在爾躬允執其中四海困窮天祿永終舜亦以命禹道統之傳此乎出也非三公

故事

言考之漢家故事冊三

長老見者莫不心懼

知

兩此豈家人子所能堪邪

師古曰家人猶言庶人也蓋咸自謂閔性有

知略

知讀日智

聞咸言亦悟乃還報恭深達成自謙薄之

意恭歎曰我家何用負天下而為人所畏如是意不

說

說讀日悅下同

後上置酒麒麟殿

師古曰在未央宮中

賢父子親屬

宴飲侍中中常侍皆在側上有酒所

師古曰言酒在體中從容

視賢

從千容翻

笑曰吾欲灑堯禪舜何如王閔進曰天下

乃高皇帝天下非陛下有也陛下承宗廟當傳子孫

於亡窮統業至重天子亡戲言

周成王剪桐葉為珪與小弱弟戲曰以封

汝周公入賀王曰戲也周公曰王者不可戲乃封小弱弟於唐古亡無通

上默然不說左

荀紀於成帝立趙后有  
諫大夫王仁諫事並  
非無漢書外事

右皆恐於是遣閔出歸郎署

三署郎各有署署舍遣  
出不得侍禁中也考

異曰董賢傳但云遣閔不得復侍宴自歸郎署以下  
皆漢紀所載也荀紀無漢書外事不知此語荀悅何

從得之又云閔歸郎署二十日長樂宮深為閔謝又  
御史大夫彭宣上封事言國安危繼嗣事上覺寤召

閔按太皇太后居長信宮云長樂宮誤也  
書注長信宮以長樂宮中長信殿為稱亦可言長樂

宮也久之太皇太后為閔謝復召閔還為于偽翻復  
扶又翻下同閔

遂上書諫曰臣聞王者立三公灑三光三光日月星  
也上時掌翻

居之者當得賢人易曰鼎折足覆公餗喻三公非其

人也易鼎之九四曰鼎折足覆公餗餗音送鹿翻虞  
云八珍之具也馬云鍵也鍵音之然翻鄭云菜

也折而昔孝文皇帝幸鄧通不過中大夫武帝幸韓

嫣賞賜而已皆不在大位武帝幸韓嫣賞賜擬鄧通  
位不過上大夫以罪賜死

焉賞賜而已皆不在大位位不過士大夫以罪賜死

媯於今大司馬衛將軍董賢無功於漢朝又無肺腑

之連復無名迹高行以矯世孟行戶昇擢數年列備鼎

足典衛禁兵無功封爵父子兄弟橫蒙拔擢賞賜空

竭帑藏橫戶孟翻帑它萬民誼譁偶言道路誠不當

天心也昔褒神虻變化為人實生褒姒亂周國國語曰夏

之衰也。有二龍降于夏庭言曰予褒之二君也夏后

請其禱而藏之。歷殷周莫敢發也。至厲王之末發而

觀之。滌流於庭。不可除也。王使婦人不帷而謀之。其

神化為玄虻入于王府。府之童妾既齒而遭之。既笄

而孕。懼而棄之。鬻鬻孤者收以奔褒。是為褒姒。褒人

有獄以入於幽王。王嬖之。生伯服。遂黜申后而立褒

姒。廢太子而立伯服。以亂周國。虻音恐陛下有過失

元又吾官翻祭似留翻歷於琰翻之禍非所以垂灋後世也

通鑑卷之五十五 元 卷之五十五 元 卷之五十五 元

上雖不從閔言多其年少志彊少詩照亦不罪也

庚申二年春正月匈奴單于及烏孫大昆彌伊秩靡皆來

朝朝直漢以為榮是時西域凡五十國三十六國分為五十餘國

自譯長至將相侯王皆佩漢印綬凡三百七十六人

譯長之官西域諸國皆有之所以通其國之語言於中國長知兩翻而康居大月氏安

息罽賓烏弋之屬烏弋山離國去長安萬二千二百里不屬都護東與罽賓西與犁靬

條支接氏音支罽音計皆以絕遠不在數中其來貢獻則相與

報不督錄總領也正謂不屬都護也自黃龍以來單于每入

朝其賞賜錦繡繒絮輒加厚於前以慰接之單于宴

見見賢羣臣在前單于恠董賢年少以問譯師古曰譯傳語

康居大月氏見卷十九屬安息見卷十九屬巴達光

見見賢君臣在前單于恠董賢年少以昭

也之人上令譯報曰大司馬年少以大賢居位單于乃

起拜賀漢得賢臣是時上以太歲厭勝所在是年太歲在申

師古曰厭舍單于上林苑蒲陶宮蒲陶本出大宛武帝伐大宛采蒲陶

音一涉翻種植之離宮宮由此得名師古曰舍止宿告之以加敬於單于單于知之

不悅夏四月壬辰晦日有食之五月甲子正三

公官分職成帝綏和二年置三公官哀帝建平三年罷今復正三公官名分職謂大司馬掌兵

事大司徒掌人民事大司空掌水土事分扶問翻大司馬衛將軍董賢為大

司馬丞相孔光為大司徒彭宣為大司空封長平侯

恩澤侯表長平侯國於濟南六月戊午帝崩于未央宮臣瓚曰帝年二

十即位即位六年壽二十五師古帝睹孝成之世祿日即位明年乃改元壽二十六

去王室謂政在王氏也及即位屢誅大臣謂殺朱博王嘉等欲彊主

威以則武宣師古曰則法也然而寵信讒諂謂趙昌董賢曾息夫窮等

疾忠直謂師丹傅喜鄭崇等漢業由是遂衰太皇太后聞帝崩

即日駕之未央宮之往也收取璽綬璽斯氏翻綬音受太后召

大司馬賢引見東箱見賢遍翻問以喪事調度師古曰調選發也度

計料也調徒弔翻賢內憂不能對免冠謝太后曰新都侯莽

前以大司馬奉送先帝大行謂成帝之喪也曉習故事吾令

莽佐君賢頓首幸甚太后遣使者馳召莽詔尚書諸

發兵符節百官奏事中黃門期門兵皆屬莽中黃門守禁門

黃闈者也期門兵守衛殿門者也莽以太后指使尚書劾賢帝病不

親醫藥勅戶禁止賢不得入官殿司馬中

據漢書趙充國傳子

印入莫府司馬中亂屯兵如瀉注曰司馬中律所謂營軍司馬中也余謂此宮殿司馬中蓋宮殿屯衛司

馬中也賢不知所為詣闕免冠徒跣謝已未莽使謁者

以太后詔即闕下冊賢師古曰曰賢年少未更事理

少詩照翻師古曰為大司馬不合衆心其收大司馬

印綬罷歸第即日賢與妻皆自殺家惶恐夜葬莽疑

其詐死有司奏請發賢棺至獄診視師古曰謂發冢取其棺柩也診

驗也音軫因埋獄中太皇太后詔公卿舉可大司馬者莽

故大司馬辭位避丁傳衆庶稱以為賢事見三十三卷緩和二

又太皇太后近親自大司徒孔光以下舉朝皆舉莽

朝直遙翻獨前將軍何武左將軍公孫祿二人相與謀以

為往時惠昭之世外戚呂霍上官持權幾危社稷幾居

希翻今孝成孝哀比世無嗣比頻方當選立近親幼主

不宜令外戚大臣持權謂外戚大臣親䟽相錯親謂外

異姓之為將軍公卿者師古曰錯間雜也為國計便為國之計於是武舉

公孫祿可大司馬而祿亦舉武庚申太皇太后自用

莽為大司馬領尚書事太皇太后與莽議立嗣安陽

侯王舜莽之從弟其人修飭師古曰飭讀與敕同太

皇太后所信愛也莽白以舜為車騎將軍秋七月遣

舜與大鴻臚左咸使持節迎中山王箕子以為嗣使持

舜與大鴻臚左咸使持節迎中山王箕子以為歸

節者奉使而持節也魏晉以下遂以為官稱臚陵如翻嗣祥吏翻莽又白太皇太后

詔有司以皇太后與女弟昭儀專寵錮寢錮塞也杜塞後宮侍

寢之路不使進御也殘滅繼嗣詳見上卷貶為孝成皇后徙居

北宮又以定陶共王太后與孔鄉侯晏同心合謀背

恩忘本專恣不軌背蒲妹翻徙孝哀皇后退就桂宮傅氏

丁氏皆免官爵歸故郡莽以積年閑退之久一旦得權無所不至傅氏河內人丁

氏山陽人傅晏將妻子徙合浦獨下詔褒揚傅喜曰高武

侯喜姿性端慤師古曰慤謹也音口角翻論議忠直雖與故定陶

太后有屬終不順指從邪介然守節以故斥逐就國

喜就國見上傳不云乎歲寒然後知松栢之後凋也

卷建平二年元壽二年

師古曰論語載孔子之言以喻有節操之人也其還喜長安位特進奉朝請

喜雖外見褒賞孤立憂懼後復遣就國以壽終復扶又翻

莽又貶傅太后號為定陶共王母丁太后號曰丁姬

莽又奏董賢父子驕恣奢僭請收沒入財物縣官諸

以賢為官者皆免父恭弟寬信與家屬徙合浦母別

歸故郡鉅鹿長安中小民謹諱鄉其第哭幾獲盜之

師古曰陽往哭之實欲竊盜也謹音許爰翻鄉讀曰嚮幾讀曰冀縣官斥賣董氏財

凡四十三萬萬賢所厚吏沛朱詡自劾去大司馬府

劾戶槩翻買棺衣收賢屍葬之莽聞之以它臯擊殺詡莽

以大司徒孔光名儒相三主成哀及平帝為三主太后所敬天

以大司徒孔光名儒相三主武帝為三主太后所敬天

下信之於是盛尊事光引光女壻甄邯為侍中奉車

都尉甄之人翻姓也陳留風俗傳曰舜諸素所不說

者說讀莽皆傳致其罪師古曰傳讀曰附附為請奏

草令邯持與光以太后指風光師古曰草謂文書之

光素畏慎不敢不上之上時莽白太后輒可其奏於

是劾奏何武公孫祿互相稱舉皆免官武就國又奏

董宏子高昌侯武父為佞邪奪爵宏為佞邪謂請立

又奏南郡太守毋將隆前為冀州牧治中山馮太后

獄冤陷無辜關內侯張由誣告骨肉中太僕史立泰

山太守丁玄陷人入大辟事並見三十三卷建河內

目錄曰太后上  
有從中二字

通鑑卷三十一 元壽二年

太守趙昌譖害鄭崇事見上卷幸逢赦令皆不宜處

位在中土處昌免為庶人徙合浦中山之獄本立玄

自典考之但與隆連名奏事莽少時慕與隆交隆不

甚附故因事擠之少詩照翻擠子計紅陽侯立太后

親弟雖不居位莽以諸父內敬憚之畏立從容言太

后令已不得肆意復令光奏立罪惡從干容翻復前

知定陵侯長犯大逆罪為言誤朝事見三十二卷成

偽翻誤朝誤朝後白以官婢楊寄私子為皇子眾言

曰呂氏少帝復出謂呂后名他人子為惠紛紛為天

下所疑難以示來世成襁褓之功謂難成輔立請遣

定陵侯長長上  
宋本有滔于字  
犯大逆罪下字  
又有受其賂  
四字  
他人子名字元  
本位謂

立統國太...

立就國太后不聽莽曰今漢家衰比世無嗣比毗至翻太

后獨代幼主統政誠可畏懼力用公正先天下尚恐

不從師古曰力勉先悉薦翻今以私恩逆大臣議如此羣下傾

邪亂從此起宜可且遣就國安後復徵召之師古曰安猶徐

也余謂安定也安後猶言事定後也太后不得已遣立就國莽之所以

脅持上下皆此類也於是附順莽者拔擢忤恨者誅

滅忤五故翻以王舜王邑為腹心甄豐甄邯主擊斷斷丁亂翻

平晏領機事晏當之子也劉秀典文章孫建為爪牙豐子

尋秀子棻師古曰棻音扶云翻涿郡崔發姓譜齊丁公之子食采於崔因以為氏

南陽陳崇皆以材能幸於莽莽色厲而言方師古曰外示稟

通志卷三十一 元帝二年

目錄云與其黨王  
壽王邑數輩甄  
邯劉秀等更  
相唱和以自尊大  
而外為飾讓上  
以惑太后下以示  
信於眾庶焉

厲之色而假師古曰見欲有所為微見風采音胡電翻黨與承

其指意而顯奏之莽稽首涕泣固推讓稽音啓推上

以惑太后下用示信於眾庶焉 八月莽復白太皇

太后廢孝成皇后孝哀皇后為庶人就其園就孝成

廟園也復考異曰漢春秋八月是日皆自殺甲寅未知胡旦所據大

司空彭宣以王莽專權乃上書言三公鼎足承君一

足不任則覆亂美實師古曰美實謂鼎中之實也易

鍊鍊良也故宣引鼎卦九四爻辭曰鼎折足覆公臣資性淺薄年齒老眊師古曰眊與

忘也耄同鄭玄曰數伏疾病數所昏亂遺忘忘巫願上大司空長

平侯印綬上時乞骸骨歸鄉里疾古侯字疾寘溝壑寘與填同

平侯印綬掌翻之醫骨歸州里立宜其海空寶與

莽白太后策免宣使就國莽恨宣求退故不賜黃金

安車駟馬宣居國數年薨班固贊曰薛廣德保縣

車之榮平當逡巡有恥彭宣見險而止異乎苟患失

之者矣薛廣德縣車在元帝永光元年平當不肯受

於此縣讀曰懸戊午右將軍王崇為大司空光祿勳東海

馬宮為右將軍按班書馬宮本姓馬左曹中郎將甄

豐為光祿勳以中郎將加左曹官九月辛酉中山王即皇帝

位貢父曰辛酉去哀大赦天下平帝年九歲太皇太

后臨朝大司馬莽秉政百官總已以聽於莽援古者

陰百官總已以聽於冢宰之制以盜權也師莽權曰古曰聚束曰總音摠朱熹曰謂各總攝已職

辛酉古同化作主寅

通鑑卷三十五元帝永光元年

盛孔光憂懼不知所出上書乞骸骨莽白太后帝幼

少宜置師傅徙光為帝太傅位四輔記曰虞夏商周有師保有疑丞

設四輔及三公莽倣之以位給事中領宿衛供養行

置孔光變更官名自此始矣師古曰

內師古曰行內行在所署門戶省服御食物師古曰

余謂行內署門戶當為一句此宿衛事也省服御食

物則供養事也文理甚明師古誤斷其句因曲為之

說耳行下孟翻以馬宮為大司徒甄豐為右將軍冬

十月壬寅葬孝哀皇帝於義陵臣瓚曰自崩至葬凡

去長安四十六里考異曰哀紀云九月壬寅葬義

義陵今西安府長安  
咸陽西

首紀作九月壬辰

孝平皇帝上

荀悅曰諱衍之字曰樂應劭曰謚法布綱治紀曰平余按帝本名箕

子元始一一年

益州統漢中廣漢巴蜀  
益州雖為越蓋梓州  
漢郡之區川之東首三石

子元始二年  
始更名衍

元始元年春正月王莽風益州令塞外蠻夷自稱越

裳氏重譯獻白雉一黑雉二越裳注已見二十八卷

家之說越裳之地不在益州塞外莽自以輔幼主欲

以致遠人功德比周公惑眾故為此耳師古曰越裳

南方遠國也譯謂傳言也道路絕遠風莽白太后下

詔以白雉薦宗廟於是羣臣盛陳莽功德致周成白

雉之瑞周公及身在而託號於周時羣臣言聖王之

有美號因引莽宜賜號曰安漢公益戶疇爵邑張宴

周公事為徵律非始封十減二疇者等也言不復減賢曰疇等也

言功臣子孫襲封與先人等余謂此言莽進號為公使與爵等也宜益其邑戶太后詔尚書具其事莽上書言臣與孔

通鑑三十一元始元年

光王舜甄豐甄邯共定策今願獨條光等功賞寢置

臣莽勿隨輩列進息也甄邯白太后下詔曰無偏無

黨王道蕩蕩師古曰尚書洪範之言也君有安宗廟

之功不可以骨肉故蔽隱不揚君其勿辭莽復上書

固讓數四復扶又稱疾不起左右白太后宜勿奪莽

意但條孔光等莽乃肯起二月丙辰太后下詔以太

傅博山侯光為太師車騎將軍安陽侯舜為太保皆

益封萬戶考異曰平紀作正月事而王子侯表公卿表皆云二月丙辰今從之余按考異

所謂王子侯云二月丙辰封者謂宣帝耳孫信等也由今考之不能無疑注見下左將軍光

祿動豐為少傅封廣陽侯恩澤侯表廣陽侯國於南陽皆授四輔

漢書卷之九

萬紀亦作二月丙辰

吳三承陽疑為成陽  
北今汝南府信陽州東

太師太保太傅太傅  
之四輔之官

之職侍中奉車都尉邳封承陽侯恩澤侯表承陽侯國於汝南師古曰

承音四人既受賞莽尚未起羣臣復上言莽雖克讓

朝所宜章言朝廷所當章顯也朝直遙翻以時加賞明重元功無使

百僚元元失望太后乃下詔以大司馬新都侯莽為

太傅幹四輔之事號曰安漢公益封二萬八千戶於

是莽為惶恐不得已而起受太傅安漢公號讓還益

封事云願須百姓家給師古曰給足也然後加賞羣

臣復爭太后詔曰公自期百姓家給是以聽之其令

公奉賜皆倍故奉讀曰俸所食之俸也賜歲時常賜著諸令者也師古曰倍故數多於故

各一百姓家給人足大司徒大司空以聞言待家給人足二府

耳孫首作元孫云  
自漢初至此等侯者  
凡四百人

以其事聞也

莽復讓不受而建言褒賞宗室羣臣立故東

平王雲太子開明為王

哀帝建平二年雲死國除今復立其子

又以故

東平思王孫成都為中山王奉孝王後

東平思王宣帝子宇也帝

入奉大宗故立成都以奉孝王後

封宣帝耳孫信等三十六人皆為

列侯

晉灼曰耳音仍宣曾孫信等三十六人

考異曰平紀元始元年封孝

表皆以元年二月丙辰封莽傳誤也

余按王子侯表陶鄉侯恢等十五人皆以二月丙辰封不及三十

六人之數又無信名按恢等皆宣帝曾孫也

太僕王暉等二十五人皆賜

爵關內侯

暉等以前議定陶傳太后尊號守經法不阿指從邪賜爵暉於粉翻

又令諸

侯王公列侯關內侯無子而有孫若同產子者皆得

以為嗣

同產子同母兄弟之子

宗室屬未盡而以罪絕者復其

謂祖免以上親以罪絕者

屬謂袒免以上親以罪絕屬籍者復其屬籍免音問

天下吏比二千石以上

年老致仕者參分故祿以一與之終其身師古曰下參三也

及庶民鰥寡恩澤之政無所不施莽既媚說吏民又

欲專斷說讀曰悅斷丁亂翻知太后老猷政乃風公卿奏言往

者吏以功次遷至二千石功者以勞績遷次者以資序遷州部所舉

茂材異等吏州部即部刺史也率多不稱稱尺證翻宜皆見安漢

公又太后春秋高不宜親省小事省悉井翻令太后下詔

曰自今以來唯封爵乃以聞他事安漢公四輔平決

州牧二千石及茂材吏初除奏事者輒引入至近署

對安漢公考故官問新職以知其稱否考故官者考其前任有勞

績與否也。問新職者，問其新。於是莽人人延問，密致任當如何施設也。稱尺證翻。恩意厚，加贈送，其不合指顯奏免之權，與人主侔矣。

置羲和官秩二千石。羲和初置，自為一官。莽既篡，改大司農曰羲和。夏

五月丁巳朔，日有食之。大赦天下，公卿以下舉敦厚

能直言者各一人。王莽恐帝外家衛氏奪其權，帝中

山衛姬所生也。白太后前哀帝立，背恩義。背蒲妹翻下同。自貴外家

丁傅，撓亂國家。師古曰：撓，擾也。音火高翻。幾危社稷。幾居希翻。今帝以

幼年復奉大宗為成帝，後宜明一統之義。謂既奉大

繼父一以正統相承義，不得顧私親。以戒前事，為後代灋。六月，遣甄豐

奉璽綬，即拜帝母衛姬為中山孝王后，賜帝舅衛寶

寶第立爵關內侯賜帝女第三人號曰君謁臣號修義君皮為

承禮君鬲子為尊德君師古曰鬲音歷皆留中山不得至京師扶風功

曹申屠剛以直言對策曰臣聞成王幼少周公攝政

聽言下賢均權布寵動順天地舉措不失然近則召

公不說遠則四國流言賢曰尚書曰周公為師相成王為左右召公不悅言周公

既還政成王且自退今復為相故不悅也四國謂管蔡商奄也成王幼小周公攝政四國流言曰公將不利於孺子

說讀曰悅今聖主始免襁褓即位以來至親分離外

戚杜隔恩不得通且漢家之制雖任英賢猶援姻戚

親疏相錯杜塞間隙援于元翻塞悉則翻間古莧翻誠所以安宗廟

重社稷也宜亟遣使者徵中山太后置之別宮令時

朝見朝直遙翻又召馮衛二族裁與冗職賢曰冗使

得執戟親奉宿衛以抑患禍之端上安社稷下全保

傅此保傅謂莽令太后下詔曰剛所言僻經妄說違

背大義背布罷歸田里丙午封魯頃公之八世孫

公子寬為褒魯侯魯頃公 讎秦孝文王元年為楚所

郡奉周公祀封褒成君孔霸曾孫均為褒成侯恩澤

褒成侯食邑於山陽瑕丘奉孔子祀詔天下女徒已論歸家出

崔山錢月三百如淳曰已論罪已定也令甲女子犯

於山伐木聽使入錢崔功直故謂之崔山應劭曰舊

刑鬼薪取薪於山以給宗廟今使女徒出錢崔薪故

公子寬漢書本  
作公孫相如  
褒魯今山陽府  
褒成今元州府  
滋陽縣

歸家不親役之但令出錢月三百以崔人也為此恩

者所以行大皇太后復貞婦鄉一人師古曰復方目翻鄉一人取其

尤最者大司農部丞十三人人部一州勸農桑武帝時

置大司農部丞數十人分部郡國主均輸鹽鐵今以十三人部十三州秋九月赦天

下徒

二年春黃支國獻犀牛黃支在南海中去京師三萬

里應劭曰黃支國在日南之南王莽欲耀威德故厚遺其王遺于季翻

令遣使貢獻越雋郡上黃龍游江中上時掌翻太師光

大司徒宮等咸稱莽功德比周公宜告祠宗廟大司

農孫寶曰周公上聖召公大賢尚猶有不相說說讀日悅

著於經典兩不相損今風雨未時百姓不足每有一

事羣臣同聲

師古曰言雷同阿附妄說福祥

得無非其美者

謂所美非美也

時大臣皆失色甄邯即時承制罷議者會寶遣吏迎

母母道病留弟家獨遣妻子司直陳崇劾奏寶事下

三公即訊

師古曰就問之也劾

寶對曰年七十諄

恩衰共養營妻子如章

師古曰諄感也眊與耄同自

衰具如所奏之章也諄音布

寶坐免終於家 帝更

名術

術空旱翻又墟岸翻

三月癸酉大司空王崇謝病免以

避王莽

夏四月丁酉左將軍甄豐為大司空右將

軍孫建為左將軍光祿勳甄邯為右將軍 立代孝

王玄孫之子如意為廣宗王江都易王孫盱台侯宮

王宗首也作王莽

廣宗今順德府廣宗

王立孫之子如意為廣宗王江都易王孫明台

為廣川王廣川惠王曾孫倫為廣德王

代孝王參孫義改封清河

傳國至孫年宣帝地節四年以罪廢今封如意以奉

孝王後江都易王非傳國子建武帝元狩二年謀反

自殺今立宮以奉易王後廣川惠王越宣帝地節四

年以其孫文紹封傳子海陽甘露四年以罪廢今立

倫以奉惠王後此皆王莽為政紹封漢興以來大功

以繼絕世惑眾盱台音吁怡

臣之後周共等皆為列侯及關內侯

共絳侯周勃立孫師古曰共讀

日凡百一十七人

郡國大旱蝗青州尤甚

平原千

乘濟南齊北海東萊等郡

田川膠東高密等王國

民流亡王莽白太后宜衣

繒練

師古曰繒練謂帛頗損膳以示天下莽因上書

願出錢百萬獻田三十頃付大司農助給貧民於是

公卿皆慕效焉凡獻田宅者二百三十人以口賦貧

成帝陽朔二年六月  
曾立中山惠王孫雲  
客為廣德王見  
卷三十一

首化歸商等子  
二百三十人  
漢陽關內侯

青州今東濟南武定  
青州萊州登州諸府

民師古曰計口而給其田宅又起五里於長安城中如淳曰民宅居之里

二百區以居貧民莽帥羣臣奏太后帥讀日率言幸賴陛

下德澤間者風雨時甘露降神芝生蓂莢朱草嘉禾

休徵同時並至師古曰休美也徵證也願陛下遵帝王之常服

復太官之灋膳使臣子各得盡驩心備共養共居用翻養羊

尚莽又令太后下詔不許每有水旱莽輒素食師古曰素

食即菜左右以白太后太后遣使者詔莽曰聞公菜

食憂民深矣今秋幸孰孰古熟字通公以時食肉愛身為

國為于偽翻六月隕石于鉅鹿二光祿大夫楚國龔

勝太中大夫琅邪郗姓也與丙同漢以王莽專政皆乞骸

骨莽令太后策詔之曰朕愍以官職之事煩大夫大

夫其脩身守道以終高年皆加優禮而遣之梅福

知王莽必篡漢祚一朝棄妻子去不知所之其後人

有見福於會稽者變姓名為吳市門卒云會稽郡時治吳縣會

工外翻秋九月戊申晦日有食之赦天下徒遣執

金吾候陳茂晉灼曰百官表執金吾屬官有兩丞候司馬諭說江湖賊成

重等二百餘人說輸茂翻皆自出送家在所收事如高曰賊雖自

出得還其家而已不得復除尚當役作之也師古曰如說非也言身既自出又各送其家人詣本屬縣邑

從賊役耳貢父曰賊二百餘人皆異縣人既自出故送家在所收事也余謂劉說是重徙雲陽

服虔曰重成重也作賜公田宅王莽欲悅太后以賊長帥故徙之也

吳氏云舊由今哈密  
關展至車師前庭  
後庭今改由後庭  
東至大台木壘鎮  
西至哈密安西也

高昌今哈喇和卓

威德至盛異於前乃風單于令遣王昭君女須卜居

次云入侍太后所以賞賜之甚厚車師後王國有

新道通玉門關車師後王國治務塗谷去往來差近

戊己校尉徐普欲開之車師後王姑句師古曰句音鉤以當

道供給使者心不便也普欲分明其界然後奏之召

姑句使證之不肯繫之其妻股紫陬師古曰陬音子侯翻謂姑

句曰前車師前王為都護司馬所殺此言日前事也

河城去長安八千一百五十里今久繫必死不如降匈奴即馳突出

高昌壁入匈奴拓拔魏時闕爽始立國於高昌蓋因漢高昌壁為名杜佑曰高昌郡蓋因其地高敬人物昌盛立名或云昔漢武帝遣兵又去

西討師旅頓弊者因住焉有漢時高昌壘故也

胡羌本今高維上單  
爾東北也陸中

柔石云赤羌疑今  
特博爾古台西北之  
烏蘭烏蘇河也

口平云柔石疑今  
額什克巴什山之谷  
在漢都護城北

胡來王唐堯婁國王號夫胡來王去陽關千八百

戎來附漢也婁孟康音與赤水羌數相寇羌之居赤

兒師古曰音而遮翻也與婁羌比近唐有黑党不勝告急都護都護但欽

不以時救助但欽人姓名姓唐堯困急然欽東守王

門關玉門關不內即將妻子人民千餘人亡降匈奴

降戶江單于受置左谷蠡地左谷蠡王所居地也遣

使上書言狀曰臣謹已受詔遣中郎將韓隆等使匈

奴責讓單于單于叩頭謝罪執二虜還付使者二虜

及唐詔使中郎將王萌待於西域惡都奴界上服虔

都奴西域單于遣使送因請其罪為二虜請於漢求

西討師旅頓弊者因任焉有漢時高昌日墨土故也

史昭釋文  
唐堯西域  
國也號為  
胡來王  
謂去胡而  
來降漢  
韓隆漢  
王則唐堯  
乃去胡來  
之名非國名

元始二年

使者以聞莽不聽詔會西域諸國王陳軍斬姑句唐

堯以示之欲以懲後使不敢叛乃造設四條師古曰更新中國

人亡入匈奴者烏孫亡降匈奴者西域諸國佩中國

印綬降匈奴者烏桓降匈奴者皆不得受遣中郎將

王駿王昌副校尉甄阜王尋使匈奴班四條與單于

雜函封師古曰與璽書同一函而封之付單于令奉行因收故宣帝

所為約束封函還宣帝與匈奴約長城以南漢有之長城以北匈奴有之有降者不得

受今莽以約束未明故頒四條而收舊所為約束時莽奏令中國不得有二

名公羊春秋傳譏二名故莽效之因使使者以風單于宜上書慕化

為一名漢必加厚賞單于從之上書言幸得備藩臣

竊樂太平聖制臣故名囊知牙斯今謹更名曰知莽

大說樂音洛更工衡白太后遣使者荅諭厚賞賜焉

莽欲以女配帝為皇后以固其權奏言皇帝即位

三年長秋宮未建師古曰秋者收成之時長者恒久之義故以為皇后宮名掖庭

媵未充媵以證翻從嫁之女也古者諸侯一國嫁女九國媵之乃者國家之難

本從無嗣配取不正請考論五經定取后禮難乃且

曰取皆正十二女之義以廣繼嗣古者天子一娶九

讀曰娶一聘九女則周之天子固有十二女之禮公羊傳曰諸侯博采二王

後及周公孔子世列侯在長安者適子女二王後殷

公孔子世周孔之後世嫡相承者事下有司上眾女

師古曰適讀曰嫡嫡謂妻所生也

名下遐稼翻上王氏女多在選中者莽恐其與已女

爭即上言身無德子材下不宜與眾女並采太后以

為至誠乃下詔曰王氏女朕之外家其勿采庶民諸

生郎吏以上守闕上書者日千餘人公卿大夫或詣

廷中或伏省戶下咸言安漢公盛勲堂堂若此今當

立后獨奈何廢公女天下安所歸命願得公女為天

下母莽遣長史以下分部曉止公卿及諸生師古曰分音扶

問翻曉止開論之使止也而上書者愈甚太后不得已聽公卿采

莽女莽復自白宜博選眾女公卿爭曰不宜采諸女

以貳正統師古曰言皇后之位當在莽女也莽乃自願見女

資治通鑑卷第三十六

翰林學士朝散大夫右諫議大夫知制誥兼侍講同提舉萬壽觀公事兼判集賢院上護軍河內郡開國侯食邑一千三百戶賜紫金魚袋臣司馬光奉

勅編集

後學 天台 胡三省 音註

漢紀二十八 起昭陽大淵獻盡著雍執徐凡六年

孝平皇帝下

元始三年春太后遣長樂少府夏侯藩宗正劉宏尚

書令平晏納采見女 婚有五禮納采問名納吉納徵請期陸德明曰采音七在翻擇

也師古曰謂還奏言公女漸漬德化 漸音 有窈窕之

容窈窕幽閒也王肅曰善心曰窈善容曰窕宜承天序奉祭祀太師光大

司徒宮大司空豐左將軍孫建執金吾尹賞行太常

事太中大夫劉秀及太卜太史令服皮弁素積百官及太

常有大卜太史等令師古曰皮弁以鹿皮為冠形如人手之弁合也素積謂素裳也朱衣而素裳積謂裳

績若今之撰為也撰音雛戀翻賢曰素積者積以為裳也言要中辟積也賈公彥曰皮弁之服十五升白布衣積素以為裳

以禮雜卜筮皆曰兆遇金水王相卦遇父

母得位兆卜也卦筮也孟康曰金水相生也張晏曰金王則水相也遇父母則泰卦乾下坤上天

下於地是配享之卦師古曰王音于放翻原父所謂曰但言父母得位安知是泰卦乎相息亮翻

康彊之占逢吉之符也洪範曰汝則從龜從筮從卿士從庶民從是之謂大同身

其康彊子孫其逢吉又以太牢策告宗廟有司奏故事聘皇后

黃金二萬斤為錢二萬萬莽深辭讓受六千三百萬

而以其四千三百萬分子十一媵家及九族貧者

九族

上自高祖下至玄孫之親按漢書王莽傳故事聘皇

后黃金二萬斤為錢二萬萬莽深辭讓受四千萬而

以其三千三百萬予十一媵家羣臣復言今皇后受

聘踰羣妾亡幾有詔復益二千三百萬為三千萬莽

復以其千萬分子九族貧者又按杜佑通典聘后黃

金二萬斤漢吕后為惠帝聘魯元公主故事也予讀

與夏安漢公奏車服制度吏民養生送終嫁娶奴

婢田宅器械之品立官稷

元始元年莽號安漢公至是始書以冠事表其所從

來者漸矣通鑑凡書權臣例始此如淳曰郊祀志已

有官社未有官稷遂立官稷於官社之後臣瓚曰漢

初除秦社稷立漢社稷其後又立官社配以夏禹而

不立官稷師古曰淳瓚二說皆未盡也初立官稷於

官社之後是為一處今更及郡國縣邑鄉聚皆置學

創置建於別所不相從也

官張晏曰聚邑落名也師古曰聚音才喻翻

大司徒司直陳崇使張敞

孫竦草奏師古曰草謂創立其文

盛稱安漢公功德以為宜恢

公國令如周公

成王以周公下封以曲阜地方七百里

建立公子

令如伯禽

魯頌閟宮之詩曰王曰叔父建爾元子俾侯於魯

所賜之品亦皆

如之

魯公之封於魯也賜以附庸殷民六族大路大旂封父之繁弱夏后氏之璜祝宗卜史備物典

策官司彝器白牡之牲郊望之禮

諸子之封皆如六子

周公六子封於凡蔣邢茅

胙祭師古曰六子伯禽之弟也祭側界翻

太后以示羣公羣公方議其事

會呂寬事起初莽長子宇非莽隔絕衛氏

隔絕事見上卷元年

長知

恐久後受禍即私與衛寶通書教衛后上書謝

恩上時掌翻下同

因陳丁傅舊惡冀得至京師莽白太皇太

后詔有司褒賞中山孝王后益湯沐邑七千戶衛后

日夜啼泣思見帝面而但益戶邑宇復教令上書求

至京師復扶又翻莽不聽宇與師吳章及婦兄呂寬議其

故章以莽不可諫而好鬼神好呼到翻可為變恠以驚懼

之章因推類說令歸政衛氏推類者因變恠而推言事類如洪範五行傳以

說莽也說輸為翻宇即使寬夜持血灑莽第門吏發覺之莽

執宇送獄飲藥死宇妻焉懷子師古曰繫獄須產子

已殺之師古曰須待也已訖也甄邯等白太后下詔曰公居周

公之位輔成王之主而行管蔡之誅不以親親害尊

尊朕甚嘉之莽盡滅衛氏支屬唯衛后在吳章要斬

磔尸東市門要與腰同磔陟初章為當世名儒章治尚書

經為博士教授尤盛弟子千餘人莽以為惡人黨皆當禁

錮不得仕宦門人盡更名他師師古曰更以他人為師諱不言是章弟子

更工衡翻平陵云敞時為大司徒掾姓譜邳出自祝融之後為邳國後去邑為

云自劾吳章弟子劾戶槩翻收抱章尸歸棺斂葬之師古曰棺

音工喚翻歛音力贍翻京師稱焉莽於是因呂寬之獄遂窮治

黨與連引素所惡者悉誅之治直之翻下同惡烏路翻元帝女弟

敬武長公主素附丁傅長知兩翻及莽專政復非議莽復扶

又翻紅陽侯王立莽之尊屬立莽叔父也平阿侯王仁素剛

直仁譚子也莽皆以太皇太后詔遣使迫守令自殺使使翻

下同令

莽白太后主暴病薨

主言敬武公主

太后欲臨其喪

莽固爭而止甄豐遣使者乘傳案治衛氏黨與

傳知戀翻

郡國豪桀及漢忠直臣不附莽皆誣以罪灋而殺之

何武鮑宣及王商子樂昌侯安

涿郡王商相成帝者也

辛慶忌

三子護羌校尉通函谷都尉遵水衡都尉茂南郡太

守辛伯皆坐死

何武不舉莽為大司馬鮑宣素有疆項名王商與王鳳不協為所擠陷忿

毒而死其子安不附王氏辛慶忌本王鳳所成莽見其三子皆能欲親厚之辛茂自以名臣子孫兄弟並

顯列不宜附莽又不甚誣事甄豐甄邯伯亦辛氏之族故并及禍

凡死者數百人海

內震焉北海逢萌謂友人曰三綱絕矣

莽殺其叔父又自殺其冢

嫡是滅其天性也殺其君之祖姑又盡除忠直之臣是無君也故曰三綱絕矣逢皮江翻不去禍

將及人即解冠掛東都城門

萌時學於長安賢曰漢宮殿名東都門今名青

門注又見昭紀歸將家屬浮海客於遼東莽召明禮少府宗

伯鳳

宗伯姓也鳳名也鳳明於禮官為少府少詩照翻

入說為人後之誼白

令公卿將軍侍中朝臣並聽

說為人後者義不得顧私親師古曰白令皆聽

之朝直遙翻欲以內厲天子而外塞百姓之議厲者磨錯也

垢故以就新取此義也師古曰塞止也塞悉則翻先是稔侯金日磾子賞都

成侯金安上子常皆以無子國絕先悉薦翻稔音姪碑丁奚翻莽

以曾孫當及安上孫京兆尹欽紹其封當曰磾也欽謂

當宜為其父祖立廟晉灼曰當是賞弟建之孫此言當自為其父及祖父建立廟也

為于偽翻而使大夫主賞祭也如淳曰以賞故國君使大夫掌其祭事臣瓚曰當是

偽子而使大夫主賞也夫其舉其際事臣曰

支庶上繼大宗不得顧其私親也而欽令尊其父祖以續日禪不復為賞後而令大夫主掌祭事師古曰

是甄邯時在旁廷叱欽因劾奏欽誣祖不孝大不

敬下獄自殺劾戶槩翻邯以綱紀國體無所阿私忠

孝尤著益封千戶更封安上曾孫湯為都成侯湯受

封日不敢還歸家以明為人後之誼是歲尚書令

潁川鍾元為大理哀帝元壽二年復潁川太守陵陽

嚴詡地理志陵陽縣屬丹陽郡本以孝行為官行下孟翻謂掾史為師

友掾俞有過輒閉閣自責終不大言郡中亂史言世

徒善不足王莽遣使徵詡官屬數百人為設祖道為

偽詡據地哭掾史曰明府吉徵不宜若此詡曰吾哀

陸陽今池州府石埭縣

通鑑三十一元始三年

穎川士身豈有憂哉我以柔弱徵必選剛猛代代到

將有僵仆者師古曰僵偃也仆顛也故相弔耳詡至拜

為美俗使者文穎曰宣美風化使者徙隴西太守何並為穎川

太守並到郡捕鍾元弟威及陽翟輕俠趙季李欵皆

殺之郡中震栗地理志陽翟縣屬穎川郡翟音直格翻

四年春正月郊祀高祖以配天宗祀孝文以配上帝

師古曰郊祀祀於郊也宗尊也祀於明堂也上帝太

微五帝也一曰昊天上帝也王肅曰上帝天也馬融曰上帝泰一之神在紫微宮天之最尊者杜佑曰元

氣廣大則稱昊天人之所尊莫過於帝託之於天故稱上改殷紹嘉公曰宋公周承休公曰鄭公成帝

元年封殷紹嘉公進周承休侯爵為公為二王後詔婦女非身犯灋及男

子年八十以上七歲已下家非坐不道詔所名捕張晏

曰名捕謂下詔所特捕也它皆無得繫其當驗者即驗問師古曰就其所

居而定著令 二月丁未遣大司徒宮大司空豐等

奉乘輿灋駕迎皇后於安漢公第授皇后璽綬乘繩

續漢志皇后綬與乘輿同四采黃赤縹紺長丈九尺九寸五百首璽蓋亦玉璽也師古曰綬所以繫璽音

弗考異曰王莽傳云四月丁未平紀云二月丁未立皇后王氏下云夏皇后見于高廟外戚傳云明年

春迎皇后於安漢公第然則言四月者誤也入未央宮大赦天下 遣太

僕王憚等八人各置副假節副副使也憚等持節其副則假之以節憚於勃

翻分行天下行下孟翻覽觀風俗 夏太保舜等及吏民

上書者八千餘人咸請如陳崇言加賞於安漢公章

召陵今許州鄆城  
新息今光州息州  
南鄭原新野縣  
南陽府新野縣

公拜已受  
三千七百  
一著焉

下有司下遐有司請益封公以召陵新息二縣及

黃郵聚新野田新息召陵二縣屬汝南郡續漢志南陽郡新野縣有東鄉故新都王莽所

封也又有黃郵聚聚才諭翻采伊尹周公稱號加公為宰衡伊尹

衡周公位冢宰稱尺證翻位上三公言事稱敢言之賜公大夫

人號曰功顯君也封公子男二人安為褒新侯臨

為賞都侯莽封新都侯析其國名二字加褒實以封其二子加后聘三千七

百萬合為一萬萬以明大禮太后臨前殿親封拜安

漢公拜前二子拜後如周公故事成王之侯伯禽於魯也周公拜前魯

後公拜莽稽首辭讓稽音啓出奏封事願獨受母號還安

臨印鞞及號位戶邑鞞即紱音弗事下下遐太師光等皆

曰賞未足以直功師古曰直當也謙約退讓公之常節終不

可聽忠臣之節亦宜自屈而伸主上之義宜遣大司

徒大司空持節承制詔公亟入視事詔尚書勿復受

公之讓奏復扶又奏可莽乃起視事止減召陵黃郵

新野之田而已莽復以所益納徵錢千萬遺太后左

右奉共養者遺于季翻下同白虎通曰納徵莽雖專

權然所以誑耀媚事太后下至旁側長御方故萬端

賂遺以千萬數白尊太后姊妹號皆為君食湯沐邑

姊君挾為廣恩君君力為以故左右日夜共譽莽譽音

廣惠君君弟為廣施君莽又知太后婦人厭居深宮中莽欲虞樂以市其

章按千乘之國百里  
乃漢儒為今文家  
之言馬融以為三百  
一十六里有奇按周  
官上公五百里侯四  
百里乃有千乘上  
言陳崇欲恢莽國  
於周公周公之國五  
里加以二十四附庸  
七百里有剩下當以  
馬融之說注之

權樂音乃令太后四時車駕巡狩四郊張晏曰市權者以遊觀之

樂易其權若市賈然師古曰虞與娛同邑外謂之郊近二十里也仲馮曰言郊不必二十里也存見

孤寡貞婦所至屬縣輒施恩惠賜民錢帛牛酒歲以

為常太后旁弄兒病在外舍服虔曰官婢侍史生兒取以作弄兒也莽

自親候之其欲得太后意如此太保舜奏言天下聞

公不受千乘之土古者諸公之國地方百里出兵車千乘辭萬金之幣

謂聘后之幣也莫不鄉化鄉讀曰嚮蜀郡男子路建等輟訟慙怍

而退雖文王卻虞芮何以加師古曰卻退也虞芮二國名也並在河之東二

國之君爭田不平聞文王之德乃往斷焉入周之竟則耕者讓畔行者讓路乃相謂曰我小人也不可以

爭為間田而退怍才各翻宜報告天下於是孔光

愈恐固稱疾辭位太后詔太師母朝朝直十日一入

省中置几杖賜餐十七物然後歸官屬按職如故師古

日食具有十七種物言十日一入朝受此寵禮他日則常在家自養而其屬官依常各行職務莽

奏起明堂辟雍靈臺應劭曰明堂上圓下方八窗四達布

政之宮在國之陽上八窗法入風四達法四時九室

法九州十二重法十二月三十六戶法三十六雨七

十二牖法七十二風黃帝曰合宮有虞曰總章殷曰

陽館周曰明堂辟雍者象璧圓之以水象教化流行

大戴禮明堂以茅蓋上圓下方天子為學者築舍萬

區為于制偽翻度甚盛立樂經益博士真經各五人徵天

下通一藝教授十一人以上及有逸禮古書天文圖

識張衡曰圖識虛妄非聖人之灋劉向父子領校鍾

首紀開並張武聲  
牧王璠議治河在  
始建國三年王璠  
昂此王璠張武漢  
書作張武其議  
不通不著當補張武  
改言實後世潘季  
馴祖者也

律月令兵灋史篇文字

孟康曰史籀所作十五篇古文書也師古曰周宣王太史

史籀所作大篆書也籀直救翻

通知其意者皆詣公車網羅天下異

能之士前後至者千數皆令記說廷中將令正乖謬

壹異說云

令各造廷中而記其說也

又徵能治河者以百數治直翻

其大略異者長水校尉平陵關並

姓譜關夏大夫關龍逢之後風俗通

關令尹喜之後

言河決率常於平原東郡左右其地形下而

土疏惡

疏普疎

聞禹治河時本空此地以為水猥盛則

放溢少稍自索

少詩沼翻師古曰猥多也索盡也音先各翻

雖時易處猶

不能離此

離力

上古難識近察秦漢以來河決曹衛

之域

漢之濟陰定陶故曹國也東郡及魏郡黎陽古衛地也

其南北不過百八

十里可空此地勿以為官亭民室而已御史臨淮韓

牧以為可略於禹貢九河處穿之縱不能為九但為

四五宜有益大司空掾王橫言河入勃海地高於韓

牧所欲穿處往者天常連雨東北風海水溢西南出

寢數百里九河之地已為海所漸矣師古曰漸寢也讀如本字又音

子廉禹之行河水本隨西山下東北去師古曰行謂通流也周

譜云定王五年河徙如淳曰譜音補世統譜謀也則今所行非禹

之所穿也又秦攻魏決河灌其都事見七卷秦始皇二十二年決

處遂大不可復補復扶又翻宜卻徙完平處更開空空音孔師

古曰空猶穿使緣西山足乘高地而東北入海乃無水災

西山謂黎陽以西諸山司空掾沛國桓譚典其議為甄豐言為

偽翻下同凡此數者必有一是宜詳考驗皆可豫見計定

然後舉事費不過數億萬亦可以事諸浮食無產業

民師古曰事謂役使也空居與行役同當衣食衣食縣官而為

之作乃兩便師古曰言無產業之人端居無為及發行力役俱須衣食耳今縣官給其衣食

而使修治河水是為公私兩便也可以上繼禹功下除民疾時莽但

崇空語無施行者羣臣奏言昔周公攝政七年制

度乃定今安漢公輔政四年營作二旬大功畢成宜

升宰衡位在諸侯王上詔曰可仍令議九錫之灋應劭

曰九錫一曰車馬二曰衣服三曰樂器四曰朱戶五曰納陛六曰虎賁百人七曰鈇鉞八曰弓矢九曰種

案猶不能備  
以上注本澤  
事武帝元  
朝元正紀注

此皆天子制度尊之故事事錫與但數少耳張晏  
曰九錫經本無文周禮以為九命春秋說有之臣瓚  
曰九錫備物霸者之盛禮齊桓晉文猶不能備鄭玄  
曰按九錫之名古無有也王制三公一命衮若有加  
則賜也不過九命孔穎達曰鄭意以為九命之外別  
加九賜案禮緯含文嘉上列九錫之差下云四方所  
瞻之成侯子所望宋均注云九賜者乃四方所共見公侯  
伯子男所希望孔引含文嘉所謂九錫與應劭同獨  
樂器曰樂則耳宋均注云進退有節行步有度賜之  
車馬以代其步言成文章行成法則賜之衣服以表  
其德長於教訓內懷至仁賜之樂則以化其民居處  
修理房內不潔賜之朱戶以明其別動作有禮賜之  
納陛以安其體勇猛勁疾執義堅彊賜之虎賁以備  
非常亢揚威武志在宿衛賜之斧鉞使得專殺內懷  
仁德執義不傾賜之弓矢使得專  
征孝慈父母賜之秬鬯以事先祖

### 莽奏尊孝宣廟

為中宗孝元廟為高宗又奏毀孝宣皇考廟勿脩

元康元年尊  
悼園曰皇考  
罷南陵雲陵為縣  
南陵文帝母薄太后  
雲陵昭帝母趙太

南陵今西安府咸陽  
州治化州

陵后奏可 莽自以北化匈奴東致海外南懷黃支自莽

奏曰越裳氏重譯獻白雉黃支自三萬里貢生犀唯西東夷王度大海奉國珍匈奴單于順制作去二名

方未有加乃遣中郎將平憲等多持金幣誘塞外羌

使獻地願內屬憲等奏言羌豪良願等種可萬二千

人願為內臣種章勇翻獻鮮水海允谷鹽池地理志金城郡臨羌縣西

北至塞外有西海鹽池關駟云西有卑禾羌海即獻王莽地為西海郡者也酈道元曰世謂之青海東去

西平二百五十里平地美草皆與漢民自居險阻處為藩蔽

問良願降意降戶江翻對曰太皇太后聖明安漢公至仁

天下太平五穀成熟或禾長丈餘長直亮翻或一粟三米

或不種自生或繭不蠶自成甘露從天下醴泉自地

鮮水海即青海  
監谷水即莊青海  
西南  
史昭釋文允谷  
允音自  
按漢書音義  
惟允吾縣音  
金牙允街別  
音鈗街此外  
無音

出鳳皇來儀神爵降集從四歲以來謂自莽輔政以來也羌人

無所疾苦故思樂內屬宜以時處業處謂度地以處之業謂使各有

作業也樂音置屬國領護事下莽莽復奏下遐今已

有東海南海北海郡請受良願等所獻地為西海郡

分天下為十二州應古制奏可冬置西海郡日王莽

傳置西海郡在明年秋今從平紀又增灋五十條犯者徙之西海徙

者以千萬數民始怨矣 梁王立坐與衛氏交通廢

徙南鄭自殺衛氏帝外家也分京師置前輝光後丞烈二

郡前輝光蓋領長安以南諸縣後丞烈蓋領長安以北諸縣也更公卿大夫八十

一元士官名位次及十二州名更工分界郡國所屬

西海郡依陸志即金城郡在今青海東北見卷十九

莽紀置西海郡在

罷置改易天下多事吏不能紀矣

五年春正月禘祭明堂

應劭曰禮五年而再殷祭壹禘壹禘禘祭者毀廟之主皆

合食於太祖師古曰禘音合

諸侯王二十八人列侯百二十人宗

室子九百餘人徵助祭禮畢皆益戶賜爵及金帛增

秩補吏各有差

已封者益戶未有爵者賜爵已有爵者賜金帛已有秩者增秩未有官者

補吏

安漢公又奏復長安南北郊三十餘年間天地

之祠凡五徙焉

言本建始元年罷甘泉泰畤汾陰后土祠作長安南北郊永始三年復甘

泉汾陰成帝崩皇太后詔復長安南北郊哀帝建平三年復甘泉汾陰今又復南北郊是五徙也

詔曰宗室子自漢元至今十餘萬人其令郡國各置

宗師以糾之

漢元漢初也師古曰糾謂禁察也

致教訓焉

夏四月

首紀太師孔光薨大司徒馮商為太師

乙未博山簡烈侯孔光薨贈賜葬送甚盛車萬餘兩兩音

亮

以馬宮為太師吏民以莽不受新野田而上書者

前後四十八萬七千五百七十二人及諸侯王公列侯

宗室見者

見賢遍翻

皆叩頭言宜亟加賞於安漢公於是莽

上書言諸臣民所上章下議者事皆復勿上

上時掌翻下遐稼翻

使臣莽得盡力畢制禮作樂事成願賜骸骨歸家避賢

者路

言久處大位妨賢者進用之路避位所以避賢者路也

甄邯等白太后詔

曰公每見輒流涕叩頭言願不受賞賞即加不敢當

位方制作未定事須公而決故且聽公制作畢成羣

公以聞究于前議

師古曰究竟也

其九錫禮儀亟奏五月策

命安漢公莽以九錫莽稽首再拜受綠鞞袞冕衣裳

師古曰此鞞謂蔽膝也或謂鞞鞞鞞音弗鞞音畢也

曰琫下曰琫詩云鞞琫有琫是也毛傳曰鞞容刀鞞也琫上飾琫下飾天子玉琫而琫琫諸侯盪琫而璆

琫陸云鞞刀室也琫佩刀削上飾琫佩刀下飾爾雅云黃金謂之盪說文云盪金之美與玉同色者也師

古曰瑒音蕩琫音布孔翻琫音必句復孟康曰今齊祀履頭飾也出復三寸師古曰其形岐頭句

音巨鸞路乘馬師古曰鸞路車之施鸞者也四馬曰乘音食證翻龍旂九旒

周禮交龍為旂爾雅有鈴曰旂旒旒之末垂也皮弁素積戎路乘馬師古曰戎路戎

也彤弓矢盧弓矢師古曰彤赤色盧黑色左建朱鉞右建金戚

師古曰鉞甲冑一具鉅鬯二卣鉅鬯香酒也周禮春官鬯人注

云釀秬為酒秬如黑黍一稗二米陸佃埤雅曰說文鬯以秬釀鬱草芬芳攸服以降神也舊說芬芳條暢

故謂之鬯禮以鬱合鬯言鬱於中而鬯於外也又曰  
先鄭小毛以為鬯香草也築而煑之為鬯秬者百穀  
之華鬯者百草之英故先王煑以合鬯  
占中樽也秬音巨占音攸又音羊久翻

青玉珪二

師古曰圭瓚以圭為勺末上公九命  
青者春色東方生而長育萬物也

朱戶

納陛

朱戶以居納陛以登孟康曰納內也謂鑿殿基  
際為陛不使露也師古曰孟說是也尊者不欲

露而升陛故納  
之於雷下也

署宗官祝官卜官史官

放周公也成  
王之命周公

祝宗卜史杜預曰太祝  
宗人太卜太史凡四官

虎賁三百人

孔安國曰虎賁  
勇士稱也若虎

賁戰言其猛  
也賁音奔

王暉等八人使行風俗還

暉於粉翻  
行下孟翻

同言天下風俗齊同詐為郡國造歌謠頌功德凡三

萬言閏月丁酉詔以羲和劉秀等四人使治明堂辟

雍

治直  
翻

令漢與文王靈臺周公作洛同符

詩曰經始  
靈臺經之

營之庶民攻之不日成之周公營成  
周曰其作大邑其自時配皇天中又  
太僕王憚等八

人使行風俗宣明德化萬國齊同皆封為列侯四人

秀紅休侯平晏防鄉侯孔永寧鄉侯孫遷定鄉侯八  
人者王憚常鄉侯閻遷望鄉侯陳崇南鄉侯李翕邑

鄉侯郝黨亭鄉侯謝殷章鄉侯遂普蒙鄉侯陳鳳盧  
鄉侯考異曰恩澤侯表劉歆等十一侯皆云丁酉

獨平晏云丁丑按十二人同功俱封  
是年閏五月甲午朔無丁丑表誤時廣平相班穉

獨不上嘉瑞及歌謠班穉時相廣平王漢武帝征和  
二年於廣平置平干國宣帝五

鳳二年復曰廣平  
上時掌翻下同琅邪太守公孫闕言災害於公府

甄豐遣屬馳至兩郡續漢志大司空掾屬二十九人  
掾比三百石屬比二百石杜佑

曰正曰掾  
副曰屬諷吏民師古曰遣言祥  
應而隱除災害而劾闕空造不祥

穉絕嘉應嫉害聖政皆不道劾戶  
槩翻穉班捷仔弟也捷仔

予音接太后曰不宣德美宜與言災害者異罰且班穉

後宮賢家我所哀也師古曰班婕妤有賢德故哀閔其家閔獨下獄誅

下遐穉懼上書陳恩謝罪陳恩者自陳述世受國恩願歸相印入

補延陵園郎園郎掌守國寢門戶太后許焉莽又奏為市無

二賈師古曰言純質也賈讀曰價官無獄訟邑無盜賊野無饑民

道不拾遺男女異路之制犯者象刑師古曰白虎通云象者其衣服

象五刑也犯墨者蒙犯劓者以赭著其衣犯髡者以墨蒙其體象而畫之犯宮者扉犯大辟者布衣無領

扉草履也贖音頻莽復奏言共王母丁姬前不臣

妾師古曰言不遵臣妾之冢高與元帝山齊賈公彥曰爾雅

山頂冢則山冢之冢封土為上懷帝太后皇太后壠曰冢則冢墓之冢冢而壠翻

璽綬以葬師古曰懷謂挾之以自隨也璽斯氏翻綬音受請發共王母及丁

姬冢取其璽綬徙共王母歸定陶葬共王冢次太后

以為既已之事不須復發復扶又翻莽固爭之太后詔因

故棺改葬之莽奏共王母及丁姬棺皆名梓宮珠玉

之衣謂之梓宮者以香梓為之言猶生時所居宮室也珠玉之衣珠襦玉匣也非藩妾服

請更以木棺代更工衡翻下同去珠玉衣去羌呂翻葬丁姬媵妾

之次奏可公卿在位皆阿莽指入錢帛遣子弟及諸

生四夷凡十餘萬人操持作具作具畚鍤之類操七刀翻助將作

掘平共王母丁姬故冢二旬間皆平莽又周棘其處

以為世戒云師古曰以棘周繞也又隳壞共皇廟諸造議者冷

褒段猶皆徙合浦

褒猶奏見三十三卷哀帝建平元年考異曰師丹傳云復免高昌

侯宏為庶人按功臣表建平四年董宏已死元壽二年子武坐父為佞邪免不得至今丹傳誤也徵

師丹詣公車賜爵關內侯食故邑數月更封丹為義

陽侯

丹建平元年罷歸故邑高樂侯戶邑也恩澤侯表義陽侯國於南陽新野考異曰恩澤侯表

丹元始三年二月癸巳更為義陽侯胡旦因此并發傳太后陵徙冷褒等事俱著之二年按外戚傳云元

始五年莽發共王母及丁姬冢改葬之馬宮傳莽發傳太后陵追誅前議者宮慙懼乃乞骸骨公卿表宮

以今年八月壬午免然則褒等徙合浦及丹封侯皆在今年明矣按長曆二月丙申朔無癸巳日月必有

誤月餘薨初哀帝時馬宮為光祿勳與丞相御史雜

議傳太后謚曰孝元傳皇后及莽追誅前議者宮為

莽所厚獨不及宮內慙懼上書言臣前議定陶共王

母謚希指雷同詭經僻說師古曰以惑誤主上為臣

不忠幸蒙洒心自新師古曰洒音先禮翻誠無顏復望闕庭無

心復居官府無宜復食國邑邪宮封扶德侯邑於琅邪願

上太師大司徒扶德侯印綬避賢者路上時掌翻下同八月

壬午莽以太后詔賜宮策曰四輔之職為國維綱三

公之任鼎足承君不有鮮明固守無以居位鮮明猶言精明

也君言至誠不敢文過朕甚多之師古曰多猶重也不奪君

之爵邑其上太師大司徒印綬使者上印綬於使者也以侯

就第莽以皇后有子孫瑞通子午道張晏曰時年十四始有婦

人之道也子水午火也水以天一為牡火以地二為牝故火為水妃今通子午以協之案男八月生齒八

子午道與子午中府注

絕南山徑漢中今西安  
府長安鄠鄠屋西南  
至漢中府之洋如

泉陵今永州府北

歲毀齒二八十六陽道通八八六十四陽道絕女七  
月生齒七歲毀齒二七十四陰道通七七四十九陰

道從杜陵直絕南山徑漢中師古曰子北方也午南方也言通南北道相當

故謂之子午耳今京城直南山有谷通梁漢道者名  
子午谷又宜州西界慶州東界有山名子午嶺計南

北直相當此則北山是子南山是午共為子午道仲  
馮曰史文自以從杜陵徑漢中為子午道耳顏說非

史意也三秦記長安正南山名秦嶺谷名子午一名樊川一名御宿泉陵侯劉慶上

書師古曰衆陵節侯賢長沙定王子本始四年戴侯

也莽傳及翟義傳並云泉陵地理志泉陵縣屬零陵郡而表作衆陵表為誤也言周成王幼

小周公居攝今帝富於春秋宜令安漢公行天子事

如周公羣臣皆曰宜如慶言時帝春秋益壯以衛

后故怨不悅謂衛后不得至京師冬十二月莽因臘

卷五十二 元始五年 十六

日上椒酒上時置毒酒中帝有疾莽作策請命於泰

時願以身代藏策金滕置于前殿救諸公勿敢言師古

曰詐依周公為武王請命作金滕也書曰周公納策金滕之匱中孔安國曰為請命之書藏之於匱緘之

以金不欲人開之孔穎達曰滕是縛約之名丙午帝崩于未央宮臣瓚曰帝年九

歲即位即位五年壽十四大赦天下莽令天下吏六百石以上皆

服喪三年奏尊孝成廟曰統宗孝平廟曰元宗歛孝

平加元服斂力贈翻葬康陵臣瓚曰康陵在長安北六十里班固贊曰

孝平之世政自莽出褒善顯功以自尊盛觀其文辭

方外百蠻無思不服休徵嘉應頌聲並作至於變異

見於上見賢通翻民怨於下莽亦不能文也如淳曰不可復文飾也

案後漢帝各  
稱宗始此

康陵在長安府咸陽  
也

以長樂少府平晏為大司徒 太后與羣臣議立

嗣時元帝世絕而宣帝曾孫有見王五人王之見在者五人准

陽王緘中山王成都楚王紆信都王景東平王開明也見賢通翻列侯四十八人廣戚

侯顯陽與侯寄陵陽侯嘉高樂侯修平邑侯閔平纂

侯况合昌侯輔伊鄉侯開就鄉侯不害膠鄉侯武宜

鄉侯恢昌城侯豐樂安侯禹陶鄉侯恢釐鄉侯褒昌

鄉侯且新鄉侯鯉部鄉侯光新城侯武宜陵侯封堂

安侯護成陵侯由成陽侯衆復昌侯休安陸侯平梧

城侯建春城侯允呂鄉侯尚李鄉侯殷宛鄉侯隆壽

泉侯承杏山侯遵嚴鄉侯信武平侯璜陵鄉侯魯武

安侯慢富陽侯萌西陽侯偃桃鄉侯立栗鄉侯玄成

少栢凡五十人而廣戚侯顯孺子之父栗鄉侯玄成

先已免侯止四十八人耳師古曰建音竹二翻慢音

受莽惡其長大惡鳥路翻長曰兄弟不得相為後乃

通鑑卷一百一十五

悉徵宣帝玄孫選立之是月前輝光謝頤奏武功長

孟通浚井得白石武功縣本屬扶風莽分屬前輝光師古曰浚持治之也蹶音許驕翻

浚音峻持音直呂翻上圓下方有丹書著石師古曰著音直略翻文曰告

安漢公莽為皇帝符命之起自此始矣莽使羣公以

白太后太后曰此誣罔天下不可施行太保舜謂太

后曰事已如此無可奈何沮之力不能止沮慈呂翻又莽

非敢有它但欲稱攝以重其權填服天下耳師古曰填音竹

刃翻太后心不以為可然力不能制乃聽許舜等即共

令太后下詔曰孝平皇帝短命而崩已使有司徵孝

宣皇帝玄孫二十三人差度宜者師古曰差度謂擇也度音大各翻

以嗣孝平皇帝之後立孫年在襁褓不得至德君子孰能安之安漢公莽輔政三世與周公異世同符今

前輝光躡武功長通上言丹石之符朕深思厥意云

為皇帝者乃攝行皇帝之事也其令安漢公居攝踐

祚如周公故事也祚位具禮儀奏於是羣臣奏言太后

聖德昭然深見天意詔令安漢公居攝臣請安漢公

踐祚服天子韍冕背斧依立於戶牖之間背蒲妹翻鄭氏曰斧

依為斧文屏風師古曰南面朝羣臣聽政事朝直遙

依讀曰袞音於豈翻車服出入警蹕民臣稱臣妾皆如天子之制郊祀天

地宗祀明堂共祀宗廟享祭羣神贊曰假皇帝師古曰贊

者謂祭祝之辭共音恭余謂此贊固主於祭  
祝若朝會亦有贊者所謂贊拜贊謁是也  
民臣謂

之攝皇帝自稱曰予平決朝事朝直常以皇帝之詔

稱制以奉順皇天之心輔翼漢室保安孝平皇帝之

幼嗣遂寄託之義寄託謂寄以天下託以孤幼也師古曰遂成也隆治平之

化治直其朝見太皇太后帝皇后皆復臣節見賢遍

后謂平帝后也復吏翻自施政教於官家國采官者謂以安漢公第

為官也家者謂其家也國者謂其所封新都國也采

謂以武功縣為采地名曰漢光邑也師古曰采官也

以官受地故謂之采米如諸侯禮儀故事太后詔曰

可

王莽上字巨君孝元皇后之弟子也莽父曼

王莽上

嚴行曰王莽上  
改孺子嬰

以故漢信曰莽未即  
真嘗以孺子紀年  
年從前之例

章案兩漢書無  
移王莽為新帝者  
呂太后與元后亦無  
異稱有書亦不此云  
秘武后為周帝也通  
鑑皆因之胡氏此注  
直以綱目書法論之  
似可不必朱子命門  
纂修綱目乃用歐  
陽天忠五代史沈例  
温公固無此意也

安衆今南陽府西南  
輯先注在今南

居攝元年莽既攝政遂春正月王莽祀上帝於南郊

又行迎春大射養老之禮上無天子通監不得不以

自書王莽者不與其攝也及其既篡也書莽三月

己丑立宣帝玄孫嬰為老太子號曰孺子亦因周公

叔流言曰公將不利嬰為戚侯顯之子也

於孺子而為此號楚孝王子

侯顯則勳之子也地理年二歲託以卜相最吉立之

志沛郡有廣戚侯國相息尊皇后曰皇太后

以王舜為太傅左輔甄豐甄邯為太保後承又置四少

為太阿右拂師古曰拂秩皆二千石四少少師少傅少阿

崇師古曰安衆康侯丹長沙定王子崇即丹玄孫之

老字為  
皇字為  
廣之誤

居攝元年

宛西鄉也。與相張紹謀曰：安漢公莽必危劉氏，天下非之。

莫敢先舉，此乃宗室之恥也。吾帥宗族為先，海內必

和。帥讀曰率，和戶卧翻。紹等從者百餘人，遂進攻宛。宛，南陽郡治所，宛於

元不得入，而敗。紹從弟竦與宗族父嘉詣闕，自歸莽。

赦弗罪。從才用翻。竦因為嘉作奏，為于偽翻。稱莽德美，罪狀劉

崇願為宗室倡始。師古曰：倡，音先向翻。父子兄弟負籠荷鍤，師古

曰：籠所以盛土，鍤鑿也。荷下可翻，又音何。馳之南陽，豬崇宮室，令如古制。

古者畔逆之國，既伏其罪，則豬其宮室，以為汙池。師古曰：豬，謂畜水也。及崇社，宜如亳

社，以賜諸侯，用求監戒。武王勝殷，分亳社以班諸侯，四牆其社，覆上，棧下，使不得

通陰陽之氣，所以於是大說。說讀曰悅。封嘉為率禮侯。

著亡國之戒也。

池教虞惇曰音  
作豬

吳西羌今青海和  
碩特神四雅斯國

嘉子七人皆賜爵關內侯後又封竦為淑德侯長安

為之語曰欲求封過張伯松師古曰伯松張竦之字力戰鬪不

如巧為奏自後謀反皆汗池云師古曰汗下也音烏羣臣復白

劉崇等謀逆者以莽權輕也復扶又翻宜尊重以填海內

填竹五月甲辰太后詔莽朝見太后稱假皇帝朝直

遙翻見冬十月丙辰朔日有食之十二月羣臣

奏請以安漢公廬為攝省府為攝殿第為攝宮奏可

廬殿中止宿之舍府治事之所第所居也是歲西羌龐恬傅幡等師古曰幡

音敷怨莽奪其地反攻西海太守程永永犇走莽誅

永遣護羌校尉竇况擊之

丁卯二年春竇况等擊破西羌 五月更造貨衡翻錯刀

一。直五千契刀。一。直五百大錢。一。直五十食貨志錯刀以黃金

錯其文曰一刀直五千契刀其環如大錢身形如刀長二寸文曰契刀五百六錢徑寸二分重十二銖文

曰大錢五十張晏曰案今所見契刀錯刀形質如大錢而肉好輪厚異於此大錢形如大刀環矣契刀身

形圓不長二寸也其文左曰契右曰刀無五百字也錯刀則刻之作字也以黃金填其文上曰一下曰刀

二刀泉甚不與志相應也似札單差錯文字磨滅故耳師古曰張說非也王莽錢刀今並尚在形質及文

與志相合無差錯也索隱曰錢本名泉以貨之流布如泉布者言貨流布刀以其利於人也 與五

銖錢並行民多盜鑄者禁列侯以下不得挾黃金輸

御府受直百官表少府有御府令丞然卒不與直卒

東郡太守翟義方進之子也翟直與姊子上蔡

東晉初今在昌府一

陳豐謀曰地理上新都侯攝天子位號令天下

故擇宗室幼稚者以為孺子故意為之曰依託周公

輔成王之義且以觀望師古曰言漸必代漢家其漸

可見方今宗室衰弱外無疆蕃天下傾首服從莫能

亢扞國難亢口浪翻禦也扞吾幸得備宰相子身守

大郡父子受漢厚恩義當為國討賊以安社稷偽干

欲舉兵西誅不當攝者選宗室子孫輔而立之設令

時命不成死國埋名師古曰埋名謂猶可以不慙於

先帝今欲發之汝肯從我乎豐年十八勇壯許諾義

遂與東郡都尉劉宇嚴鄉侯劉信信弟武平侯劉璜

武平縣今在昌府

觀今曹州府觀城縣縣義  
時蓋治觀也

山陽今濟寧州金鄉  
縣西北義兵自山東下  
河南故毀莽將軍處  
于陳留也

吳云武今曹州府城武也

結謀信璜皆東平煬王雲子嚴鄉武以九月都試日

斬觀令地理志觀縣屬東郡本曰畔觀應劭曰夏有

喚音工翻因勒其車騎材官士募郡中勇敢部署將帥信

子匡時為東平王乃并東平兵立信為天子義自號

大司馬柱天大將軍移檄郡國言莽鳩殺孝平皇帝

攝天子位欲絕漢室今天子已立共行天罰師古曰

恭郡國皆震比至山陽眾十餘萬比必寐翻莽聞之惶懼

不能食太皇太后謂左右曰人心不相遠也師古曰

者我雖婦人亦知莽必以此自危莽乃拜其黨親孫建

劉宏竇况莽之黨也王邑輕車將軍成武侯孫建為

王駿王况王昌莽之親也

聖云明義忠孝建威平侯  
皆名號侯與上率禮淑  
德二侯同

函谷新關在河南商新  
安縣東北

武關在高州京

奮武將軍光祿勳成都侯王邑為虎牙將軍明義侯

王駿為彊弩將軍春王城門校尉王况為震威將軍

師古曰春王長安城東出北頭第一門也本名宣平  
門莽改名焉余按漢城門校尉掌十二城門觀此則

莽改官名十二城門各置城門校尉宗伯忠孝侯劉宏為奮衝將軍

元始四年莽更名宗正為宗伯中少府建威侯王昌為中堅將軍

少府曰共工此中少府蓋長樂少府也職在宮中故曰中少府中郎將震羌侯竇

况為奮威將軍凡七人自擇除關西人為校尉軍吏

將關東甲卒發奔命以擊義焉校戶教翻復以太僕

武讓為積弩將軍屯函谷關復扶又將作大匠蒙鄉

侯遂並為橫櫜將軍屯武關師古曰遂姓也並名也

居林二年

宛今南陽府南陽縣

茂陵在西安府興平

縣河今鳳翔府臨州

有隋改汧為汧源唐

因之故章懷太子

里今西安府興平

右輔都尉治郿今郿

縣在渭南郿康今武

功在渭北

平樂館疑在長安

有逮姓二音並得書本逮字或作逮今義和紅休侯

劉秀為揚武將軍屯死元翻於三輔聞翟義起自茂陵

以西至汧地理志汧縣屬右扶風音口堅翻二十三

縣盜賊並發槐里男子趙朋霍鴻等自稱將軍攻燒

官寺殺右輔都尉及釐令地理志右輔都尉治郿郿

稷所封邑也師古相與謀曰諸將精兵悉東京師空

可攻長安眾稍多至十餘萬火見未央宮前殿見賢

莽復拜衛尉王級為虎賁將軍賁音大鴻臚望鄉侯

閻遷為折衝將軍西擊朋等以常鄉侯王暉為車騎

將軍屯平樂館樂音騎都尉王晏為建威將軍屯城

通鑑三十一

二十一

茂陵在西安府興平縣

右輔都尉治郿今郿縣

北城門校尉趙恢為城門將軍皆勒兵自備以太保

後承承陽侯甄邯為大將軍承陽之承音丞受鉞高廟領天

下兵左杖節右把鉞屯城外王舜甄邯晝夜循行殿

中行下孟翻莽曰抱孺子禱郊廟會羣臣稱曰昔成王幼

周公攝政而管蔡挾祿父以畔師古曰祿父紂子也父讀曰甫今翟

義亦挾劉信而作亂自古大聖猶懼此况臣莽之斗

筭師古曰斗筭論材器小也羣臣皆曰不遭此變不章聖德冬十

月甲子莽依周書作大誥師古曰武王崩周公相成王而三監及淮夷叛周公

作大誥莽自比周公故依倣其事曰粵其聞日孟康曰翟義反書上聞日也師古曰粵發

辭語宗室之雋有四百人孟康曰諸劉現在者民獻儀九萬夫孟康

陳留今開封府陳留縣舊城在陳留東北

圍今開封府杞縣南之圍鄉銷固始今陳州府淮

曰民之表儀 謂賢者也 予敬以終於此謀繼嗣圖功師古曰我 之雋及獻儀者共圖 遣大夫桓譚等班行諭告天下 謀國事終成其功

以當反位孺子之意 諸將東至陳留菑孟康曰菑故戴國在梁後

屬陳留今曰考城陳留風俗傳曰菑縣秦之穀縣也 遭漢兵起邑多菑年故改曰菑縣章帝東巡過縣詔 曰陳留菑縣其名 與翟義會戰破之斬劉璜首莽大 不善其改曰考城

喜復下詔先封車騎都尉孫賢等五十五人皆為列 侯即軍中拜授因大赦天下於是吏士精銳遂攻圍

義於圍城十二月大破之義與劉信棄軍亡至固始

界中捕得義尸磔陳都市卒不得信地理志圍固始

陽國賢曰圍故城在今汴 州雍丘縣東南卒子恤翻

初始依下考異書  
作始初二字

初始元年是年十一月莽春地震大赦天下王邑

等還京師西與王級等合擊趙朋霍鴻二月朋等殄

滅諸縣悉平還師振旅莽乃置酒白虎殿勞賜將帥

到翻勞力詔陳崇治校軍功第其高下治直之翻依周制

爵五等以封功臣為侯伯子男凡三百九十五人曰

皆以奮怒東指西擊羌寇蠻盜反虜逆賊不得旋踵

應時殄滅天下咸服之功封云其當賜爵關內侯者

更名曰附城又數百人項安世家說曰王莽封諸侯

古文庸即墉字後人加土以別之不成國者謂之附

城猶今言支郡為屬城也余按王制不能五十里者  
不達於天子附於諸侯曰附庸鄭注曰小城曰附庸  
附庸者以國事附於大國正義曰庸城也謂小國之

白虎殿在未央宮中

城不能自通以其國事附於大國故曰附庸項說本諸此更工衡翻莽發翟義父方進

及先祖冢在汝南者燒其棺柩柩音舊夷滅三族誅及

種嗣種章勇翻嗣祥吏翻至皆同阬以棘五毒并葬之如高曰五毒野

葛狼毒之屬翟方進本汝南上蔡人又取義及趙朋霍鴻黨衆之尸聚

之通路之旁濮陽無鹽圍槐里蓋屋凡五所濮陽無

黨之尸也槐里蓋屋朋鴻黨之尸也蓋屋音舟窠建表木於其上師古曰表

也明書曰反虜逆賊鱸鯢以此比敵人之勇桀者崔豹

古今注鯨大者長千里小者數丈一生數萬子常以

五六月就岸生子至七八月導從其子還大海中鼓

浪成雷噴沫成雨水族驚畏一皆逃匿莫敢當其雌  
曰鯢大者亦長千里蓋鯨鯢有力能驅食小魚故以  
喻夫強暴而凌弱者而導從數萬子跋扈大海中  
亦有渠魁之義鱸古鯨字音其京翻鯢五奚翻

義

威德日盛下宗本  
有大獲天人之助六字  
目錄云莽自以  
天人之助謀即  
之矣

宗首死作宗

史昭釋文經首戴  
也以首麻為之謂  
之環者言其輕細  
如環之形辨其長  
服以情之輕重為  
等子直麻之經重  
服也左傳齊曰安桓  
子平是嬰張張麻  
斬直經帶杖管  
屨杜預註直麻  
之有子者取且  
麻也王莽不為母  
服表安也直麻

等既敗莽於是自謂威德日盛遂謀即真之事矣

羣臣復奏進攝皇帝子安臨爵為公復扶又封兄子

光為衍功侯光莽兄是時莽還歸新都國莽既居攝

都羣臣復白以封莽孫宗為新都侯宗字九月莽

母功顯君死莽自以居攝踐阼奉漢大宗之後為功

顯君總縷弁而加麻環經如天子弔諸侯服周禮王

總縷弁而加環經同姓則麻異姓則葛師古曰於弁

上加環經也謂之環者言其輕細如環之形記曰總

麻十五升去其半有事其縷無事其布曰總賈公彥

曰凡五服之經皆兩股絞之言環經則與絞經有異  
矣謂以麻為體又以一股麻為糾而橫  
纏之如環然故謂之環經縷倉回翻  
而令新都侯宗為主服喪三年云  
司威陳崇莽置司威

為經乎記檀弓  
曰仲皮死其子  
柳之妻衣縗而經  
經叔仲行請練衣  
而環經鄭註經  
經士為為曰男  
之服也環經中  
服之經也孔穎達  
曰經經謂經麻  
為經經謂兩股  
相交也五服之經  
以然惟帶服環  
經不經耳環  
經者一股所謂  
纏經也此即輕  
細如環之義輕  
細如環本謂師  
古段既言輕細安  
肯以直麻為之乎

唐饒今青州府樂  
安

以司察 奏莽兄子衍功侯光私報執金吾竇况令殺

人私報者私屬之也霍顯况為收繫致其灑為于莽偽翻

大怒切責光光母曰汝自視孰與長孫中孫長孫中

孫者字及獲之字也獲死見上卷哀帝元壽元年字

中讀 遂母子自殺及况皆死初莽以事母養嫂撫兄

子為名事見三十一卷及後悖虐復以示公義焉服

日不舍光罪為公義仲馮曰莽不服母 喪亦以示公義悖蒲內翻又蒲沒翻 令光子嘉嗣

爵為侯 是歲廣饒益 劉京言齊郡新井地理志齊

縣 車騎將軍千人 邑雲言巴郡石牛師古曰千人官

表千人在候司馬之下 太保屬臧鴻言扶風雍石

表千人在候司馬之下 太保屬臧鴻言扶風雍石

漢公府有掾有屬姓譜魯曾孝公之子彊食采於臧子孫以為氏雍縣屬扶風雍音於用翻莽皆迎受

十一月甲子莽奏太后曰陛下遇漢十二世三七之

院三二七二一十年漢元承天威命詔臣莽居攝廣

饒侯劉京上書言七月中齊郡臨淄縣昌興亭長辛

當一暮數夢曰吾天公使也使疏天公使我告亭長

攝皇帝當為真即不信我此亭中當有新井亭長晨

起視亭中誠有新井師古曰誠實也入地且百尺十一月壬

子直建冬至師古曰壬子之日巴郡石牛戊午雍石

文皆到于未央宮之前殿臣與太保安陽侯舜等視

天風起塵冥風止得銅符帛圖於石前文曰天告帝

符獻者封侯騎都尉崔發等視說師古曰視其文而說其意也孔

子曰畏天命畏大人畏聖人之言師古曰論語所載孔子之言臣

莽敢不承用臣請共事神祇宗廟師古曰共讀曰恭奏言太

皇太后孝平皇后皆稱假皇帝其號令天下天下奏

言事毋言攝以居攝三年為始初元年考異曰莽傳作初始荀

紀及韋莊美嘉號錄宋庠紀元通譜皆作始初今從之漏刻以百二十為度用

應天命臣莽夙夜養育隆就孺子師古曰隆長也成就之使其長大也

令與周之成王比德宣明太皇太后威德於萬方期

於富而教之孺子加元服復子明辟如周公故事書洛

誥周公拜手稽首曰朕復子明辟孔安國注曰周公盡禮致敬言我復還明君之政於子子成王也年二

梓潼今歸州梓潼別



十成人故必歸政奏可衆庶知其奉符命指意羣公博議別

奏以示即真之漸矣期門郎張充等六人謀共劫

莽立楚王楚王紆宣帝之曾孫發覺誅死梓潼人哀章師古

潼廣漢之縣也潼音童哀姓章名姓譜曰哀姓以謚為氏余按古人以哀為謚非一孔子弟子傳有公哲

哀烈士傳有羊角哀獨學問長安素無行好為大言

行下孟翻見莽居攝即作銅匱為兩檢檢居掩翻毛

好呼到翻題也署其一曰天帝行璽金匱圖其一署曰赤帝

璽其傳予皇帝金策書予讀與某者高皇帝名也書言

王莽為真天子皇太后如天命圖書皆書莽大臣八

人又取令名王興王盛章因自竄姓名師古曰竄凡

白王莽傳本作為帝  
首他作黃莽  
後行曰白王帝金策書  
皇改黃王莽自以為  
黃帝之後故曰予黃  
帝通鑑作白王

十一人皆署官爵為輔佐章聞齊并石牛事下下遐稼翻

即日昏時衣黃衣時衣於既翻持匱至高廟以付僕射高廟

有令有僕射僕射以聞戊辰莽至高廟拜受金匱神禪師古

曰言有神命使漢禪位於莽也御王冠王者之冠也謁太后還坐未央宮

前殿下書曰予以不德託于皇初祖考黃帝之後皇

始祖考虞帝之苗裔詳見下卷而太皇太后之末屬皇天

上帝隆顯大佑成命統序符契圖文金匱策書神明

詔告屬予以天下兆民師古曰屬委付也音之欲翻赤帝漢氏高

皇帝之靈承天命傳金策之書予甚祗畏敢不欽受

以戊辰直定師古曰以建除之次其日當定御王冠即真天子位定

有天下之號曰新

因新都國以定號也

其改正朔易服色變犧

牲殊徽幟異器制

師古曰徽幟通謂旌旗之屬也幟音式志翻

以十二月

朔癸酉為始建國元年正月之朔以鷄鳴為時

以十月

為正以丑時為十二時之始也服色配德上黃犧牲應正用白

以土

故尚黃萬物紐牙於丑其色白故應正用白

使節之旄幡皆純黃其署曰

新使五威節以承皇天上帝威命也

使疏吏翻

莽將即真

先奉諸符瑞以白太后太后大驚是時以孺子未立

璽藏長樂宮

璽即傳國璽藏古藏字通

及莽即位請璽太后不肯

授莽莽使安陽侯舜諭指舜素謹敕太后雅愛信之

舜既見太后太后知其為莽求璽

為于偽翻

怒罵之曰而

屬父子宗族師古曰而汝也蒙漢家力富貴累世既無以報

受人孤寄乘便利時奪取其國師古曰孤寄託之不復

顧恩義人如此者狗豬不食其餘師古曰言惡賤天下豈有

而兄弟邪言天下無此等人謂其全無人心也一且

若自以金匱符命為新皇帝師古曰亦汝也若變更正朔服

制更工亦當自更作璽傳之萬世何用此亡國不祥

璽為而欲求之我漢家老寡婦旦暮且死欲與此璽

俱葬終不可得太后因涕泣而言旁側長御以下皆

垂涕長御太后旁側常侍者舜亦悲不能自止良久乃仰謂太后

臣等已無可言者師古曰言不可諫止莽必欲得傳國璽太后

是也也  
與邪通用

寧能終不與邪太后聞舜語切恐莽欲脅之乃出漢

傳國璽投之地以授舜曰我老已死知而兄弟今族

滅也舜既得傳國璽奏之莽大說乃為太后置酒未

央宮漸臺說讀曰悅為于偽翻師古曰未央殿西南

池水所漸大縱眾樂莽又欲改太后漢家舊號易其

璽綬恐不見聽而莽踈屬王諫欲諂莽上書言皇天

廢去漢而命立新室去羌呂翻太皇太后不宜稱尊號當

隨漢廢以奉天命莽以其書白太后太后曰此言是

也師古曰恚莽因曰此諄德之臣也師古曰諄乖罪

當誅於是冠軍張永獻符命銅璧文冠軍屬南陽郡服虔曰銅璧如

璧形以銅為之冠古玩翻

言太皇太后當為新室文母太皇太后

莽乃下詔從之於是鳩殺王諫而封張永為貢符子

班彪贊曰三代以來王公失世稀不以女寵及王

莽之興由孝元后歷漢四世為天下母饗國六十餘

載羣小世權更持國柄載子亥翻五將十侯師古曰

鳳音商根莽皆為大司馬十侯者陽平頃侯禁禁子

敬侯鳳安成侯崇平阿侯譚成都侯商紅陽侯立曲

陽侯根高平侯逢時安陽侯音新都侯莽也一曰鳳

卒成新都卒子位號已移於天下而元后卷卷猶握

一璽師古曰卷音其圓翻倦倦忠謹不欲以授莽婦

人之仁慈夫



浙江圖書館



浙江圖書館善本

乙 登記號：002067

一九 年 月 日



浙江圖書館



浙江圖書館



浙江圖書館

